

五代會要卷二十三

宋

王

溥

撰

宋

王

溥

撰

書

緣舉雜錄

梁開平元年七月勅近年舉人當秋薦之時不親試者號為拔解
今後且止絕

四月十一日兵部尚書姚洎知貢舉奏近代設文科選胄子所以
網維名教崇樹邦本也今在公卿親屬將相子孫如有文行可取
者請許所在州府薦送以廣毓材之路從之

乾化三年十二月以尚書左僕射楊涉知禮部貢舉非常例也

自武德貞觀之後但委考功員外郎主之至開元二十五年員外
郎李昂為貢士李涯所詆毀由是中書奏請以禮部侍郎專馬
或以他官領多用中書舍人及諸司四品清資官
惟會昌中命太常卿王起主貢舉時亦檢校僕射
後唐同光二年十月中書奏請停舉選一年勅舉選二門國朝之

重事但要精確難議權停宜準常例處分

天成元年八月勅應三京諸道今年貢舉人可依常年例取解仍令隨處量事津送赴闕

三年七月四日尚書工部侍郎任贊奏今後伏請宣下諸州府所有諸色舉人不是家在遠方水陸隔越者逐處選賓從官僚中藝學精博一人各於本貫一例分明比試如非通贍不許妄給文解勅宜令今後諸色人委逐處觀察使慎擇其詞藝及通經官員各據所業考試及格者即與給解仍具所試詩賦帖經粗通數一一申省未及格者不得徇私發解兼承前諸道舉人多於京兆府寄應例以洪固鄉貴胄里為戶一時失實事久難明自此各於本道請解具言本州縣某鄉某里為戶如或寄應須具本貫入狀不得效洪固貴胄之例文解到省後據所稱貫屬州府戶籍內無名本

人并給解處官吏必行重責京百司給解就試準前指揮兼下貢院其本朝舊格諸色舉人每年各放幾人及第到日續更詳酌處分其年十月三日勅每年訪聞及第舉人牒送吏部關試判題雖有判語全無祇見各書未詳仍或正身不至如斯乖謬須議去除此後應開送舉人委南曹官準格考試如是進士並經學及第人曾親筆硯其判語即須緝構文章辨明治道如是無文章許直書其事不得祇書未詳如關試時正身不到又無請假字即牒貢院申奏停落

四年七月中書門下奏今年及第人先曾守攝職官者宜所司於守攝文書內署出應舉及第年月日或改名不改名分各印押其中曾受正官銜署並佐幕者仍將前任資序與除一任官如自中興已來諸科第人曾受職官並令所司追納文書及到日準今年

及第人例處分已受官不在此限兼勒貢院將來舉人納家狀內各分析曾為官及不曾為官改名不改名其曾為職官者先納歷任文書及第準例指揮從之

其年七月勅今年應新及第人給春闈並於敷政門外宣賜慮所

也 故

其年十月一日中書門下條流貢舉人事件如後一應諸道州府解送諸色舉人須準元勅差有才藝公正官考試及格然後給解仍所試詩賦義目帖由送省如逐州府解由不書前件指揮事節所司不在引試之限禮部貢院考試諸色帖經舉人今後據所業經書對義之時逐經須將生卷與熟卷中半考試不得依往例祇將熟卷試問今後主司不得受內外官寮書題薦託舉人及安排考試如或實在知有才學精博者任具奏聞若受書題囑託致有

屈人其主司與發書人並加黜責其所舉人別行朝典三銓南曹亦不得受諸色官員薦達選人如違並準前指揮應諸色落第人此後所司具所落事由別張文榜分明曉示除諸州府解送舉人外餘有於河南府寄應及宗正寺國子監生等並須準上指揮其中
有依託朝臣者具言在某官姓名門館考試及第後並據姓名覆試諸色舉人至入試之時前照日內據所納到試底本司印署訖送中書門下取中書省印印過却付所司給散逐人就試貢院合請考官試官今後選學業精通廉慎有守者充如在朝臣門館人不得奏請奉勅宜依

長興元年六月中書門下奏此後賓貢每年祇請放一人兼及第舉人放榜時並須據才藝高低從上依資安排不得以隻科取鼎
島嶽斗之名兼不得呼春官為恩門師門不得自稱門生除賜宴

外不得輒有率斂別謀歡會赴舉落第人不得改名將來舉人並
依選人例據地里遠近於十月中納文解如違不在受納之限從
之
三年正月勅今後落第舉人所司已納家狀者次年便赴貢院就
試並免再取文解兼下納文解之時不再拘三旬但十月內到者
並與收納

其年十二月三十日禮部貢院奏準會要長壽二年十月十日左
拾遺劉承慶上疏曰伏見比年已來天下諸州府所貢物已至元
日皆陳在御前唯貢人獨於朝堂列拜伏請貢人至元日列在貢
物之前以備充庭之禮制曰可近年直至臨鑲院前赴應天門外
朝見今後請令舉子復赴正仗仍緣今歲已晚貢士未齊欲具見
到人點引牒送四方館至元日請令通事舍人一員引押朝賀列

於貢物之前或以人數不少即請祇取科解頭一人就列其餘續
到者候齊日別另朝見如蒙俞允當司祇於都省點引習儀奉勅
宜準元勅處分餘宜依

四年二月十六日禮部貢院奏今後試舉人日請令皇城司公幹
人於省門外聽察叫呼稱屈及知貢院有倖門者引起皇城司勘
問如是的實虛妄請嚴加科斷兼今年放榜後及第人畢便綴行
五鳳樓前列行舞蹈謝恩訖赴國學謝先師然後與知貢舉相識
期集祇候勅命兼過堂及過樞密院又舊例侵晨張榜後知貢院
官及考試官已下便出請今年張榜後知貢舉官並考試官至晚
未奉勅宜令勅下後於朝堂謝恩即赴國學其試舉人日宜令御
史臺差人聽察其放榜日知貢舉官送出自此永為定制及第舉
人過樞密院宜不施行

清泰二年九月禮部貢院奏奉長興元年勅進士五經九經明經五科童子外諸色科目並停緣由有明算舉人今欲施行又奉長興三年正月勅每落第舉人免取文解今後欲依元勅格請並再取解十月十五日到省畢違限不收又奉天成四年勅諸色舉人入試前五日納試紙用中書印印訖付貢院司緣五科所試場數極多旋印紙鑱宿內中書往來不便請紙用當司印從之

三禮

原闕

開元禮

原闕

明經

原闕

童子

晉天福五年禮部侍郎張元奏童子一科伏請停廢從之
開運元年八月復童子科

周廣順三年正月戶部侍郎權知貢舉趙上交奏童子凡念書二十四道今欲添念書通前五十道念及三十道者放及第從之
顯德二年五月禮部侍郎知貢舉竇儀奏其童子科請依晉天福元年勅停罷任改就別科赴舉從之

明法

後唐長興二年七月一日勅其明法科今後宜與開元禮科同其選數兼赴舉之時委貢院別奏請會諸法試官依格例考試
晉天福六年五月十五日勅明法一科今後宜令五選集合格注官日優與處分

周廣順三年正月戶部侍郎權知貢舉趙上交奏明法元帖律令各十五帖對義二十道今後罷帖律令試墨義六十道從之至其年八月刑部侍郎權知貢舉徐台符却請準元格帖律令各十五

帖對墨義二十道從之

科目雜錄

後唐同光四年正月五科舉人許維嶽等一百人進狀伏見新定格文三禮三傳每科止放兩人方今三傳一科五十餘人三禮三十餘人三史學究一十人若每年祇放兩人及一人逐年又添初舉伏見咸通長慶年放舉人元無定式又同光元年春榜亦是一十三人請依元年例放人勅從之

天成二年正月二十七日尚書禮部貢院奏五經考試官先在吏部日長定格合請兩員屬貢院準新定格文祇令奏請一員兼充考試伏緣今年科目人數轉多却欲依舊請考試官各一員如蒙允許續具所請官名銜申奏奉勅宜依

三年二月十日禮部貢院奏當司據鄉貢九經劉英甫經中書陳狀請對經義九十道以代舊格帖經奉堂判令詳狀處分者當司伏準格文九經祇帖九經書各一十帖並對春秋禮記口義各一十道今準往例並不曾有應排科講義九經若便據送到引試排科講義即恐有違格例者奉勅劉英甫請以講義便代帖經既能鼓篋而來必有撞鐘之應宜令禮部貢院考試

其年七月十三日勅應將來三傳三禮三史開元禮學究等考試本業畢後引試對策時宜令主司於時務中採取要當策題精加考校不必拘於對屬須有文章但能詞理周通文字典切即放及第如不及此格雖本業粗通亦須黜落應九經五經明經帖書文格後引試對義時宜令主司於大義汎出經問義五道於簾下書試祇令隔簾解說但不失註疏義理通二通三然後便令念疏如是孰卷並須全通仍無失錯如得入簾亦須於時務中選策題精

加考核如粗於筆硯留意者則任以四六對仍須理有指歸言關體要如不曾於筆硯致功即許直書其事申明利害不得錯使文字其義問念疏對策逐件須有去留

長興四年二月十六日禮部貢院奏新立條件如後一九經五經明經呈帖由之時試官書通不後有不及格者唱落後請置筆硯將所納帖由分明却令自閱或是試官錯書通不當予改正如懷疑者便許請本經當面檢對如實是錯即便於帖由上書名而退一五科常年放榜出多稱屈塞今年並明書所對經書墨義云第幾道不通第幾道粗第幾道通任將所本經書疏昭証如考試官去留不當許將狀陳訴再加考核如合黜落妄有披述當行嚴斷一今年舉人有抱屈落第者許將狀披訴於貢院官與重試如貢院不理即詣御史臺論訴請自試舉人日令御史臺差人受舉人

訴屈文狀並引本身勘問所論事件或知貢舉之官及考試之官已下敢有受貨賂升擢親朋屈抑藝能陰從請託及不依格去留一事有違請行朝典一懷挾書策舊例禁止請自今後入省門搜得文書者不計多少準例扶出殿將來兩舉一遙口授人迴換試紙及義題帖書時諸般相救準例扶出請殿將來兩舉一藝業未精準格落下恥見同人妄扇屈聲擬為將來基址及他人帖對過場數多者便生誣玷或羅織毆罵者並當收禁牒送御史臺請賜勘鞫如知貢舉及考試官事涉私徇屈塞藝士請行朝典若虛妄者嚴行科斷牒送本道重處色役仍永不得入舉場同保人亦連坐各殿三舉奉勅宜依

周廣順二年二月禮部侍郎趙上交奏貢院諸科今欲不試汎義口義其五十道改試墨義十道處分從之

三年正月戶部侍郎權知貢舉趙上交奏九經舉人元帖經一百二十道墨義二十道今欲罷帖經於諸經墨義對一百五十道五經元帖經八十帖墨義二十道今欲罷帖經令對墨義一百道學究元念書二十道對義五十道從之至其年八月刑部侍郎權知貢舉徐台符又奏九經請都對墨義六十道其帖經對策依元格五經亦請對墨義六十道帖經對策依元格從之



五代會要卷二十四

宋



王



溥



樞密使

梁開平元年五月改樞密院為崇政院

始命敬翔為院使仍置判官一人自後不置判官置

副使一人

二年十一月置崇政院直學士二員選有政術文學者為之

始以尚書

吏部郎中吳諲尚書兵部郎中李璣充選其後又改為直崇政院

後唐同光元年十月崇政院依舊為樞密院

命宰臣郭崇韜為樞密使亦置院使一人

晉天福四年四月以樞密副使張從恩為宣徽使權廢樞密院故

也先是上以宰臣桑維翰兼樞密懇求免職祇在中書遂以宣徽使劉處讓代之每有奏議多不稱旨又以處讓下內憂乃以樞

密院印付中書門下故有是釐草

開運元年六月依舊置樞密院其見在中書元係樞密院職司人

吏各勒仍舊應合行公事委本院奏取指揮以宰臣桑維翰兼樞密院使從中書門下奏請也

周顯德六年六月命司徒平章事范質禮部尚書平章事王溥並參知樞密院事

建昌宮使

梁開平元年四月置建昌院以博王友文判院事

以太祖神武元聖孝皇帝在藩

時四鎮所管兵車稅賦諸色課利利舊簿籍施行仍置院以領之

二年三月以侍中韓建判建昌院事至十月以尚書兵部侍郎李

皎為建昌宮副使

其年五月中書門下奏請以判建昌院事為建昌宮使

仍以東京

龍宅為宮

三年九月以門下侍郎平章事薛貽矩判建昌宮事至四年十二

月以李振為建昌宮副使

乾化二年五月以門下侍郎平章事于兢判建昌宮

其年六月廢建昌宮以河南尹魏王張宗奭為計使

凡天下金穀兵戎舊隸建

昌宮者悉主之

至後唐同光四年二月以吏部尚書李琪為國計使

按實錄自

後廢其名額不置

後唐同光二年正月勅鹽鐵度支戶部三司凡關錢物委租庸使

管轄

其年三月左諫議大夫竇專上疏曰臣伏見天下諸色錢穀比屬

戶部度支金部倉部各有郎中員外計支分擘自後以租賦殷繁

添置司額自唐天寶中安史作亂民戶流亡征賦不時經費多闕

惟江淮嶺表郡縣完全總三司貨財發一使征賦在處勘覆目曰

租庸纔收京城尋廢職務廣明中黃巢充斥僖宗省方依前以江

淮征賦又置租庸使催征及至車輅還京旋亦停廢偽梁不知故事將四鎮節制征輸置宮使名目管係既廢宮後改置租庸雜以培斂相兼加之出放生利況戶口什一之稅是太平之日規繩租庸總三司合勘因喪亂之時制置在京無此名目乃是出使權宜若要委一官之能何妨總三司合判伏請勅郡縣重集戶口計定租稅令鹽鐵却歸三司收其征賦務使仍舊會計到京且使上供何須直進既戶口不失則增賦倍多致海內有久遠之安示天下為一家之治事雖不行然有識者甚疑之

天成元年四月勅停廢租庸院名額依舊為鹽鐵戶部度支三司委宰臣一人專判仍廢租庸院大程官及放猪羊柴炭戶其括田竿尺一依偽梁制度仍委節度使通行三司不得更差使檢括州使公解錢先被租庸管係者一切却還州府

長興元年八月勅會計之司國朝重務總其使額以委近臣貴使一時寧循往例張延朗可充三司使班位在宣徽使之下唐朝以掌泉貨鹽鐵則特置使名戶部度支則尚書省本司侍郎中判其事天寶中楊慎矜王鉷楊國忠雖承恩顧各守本司別帶使額下及劉晏第五琦亦如舊制自後又以宰臣各判一司不帶使額乾符之後天下兵興隨置租庸使以掌調發兵罷停偽梁不關典故乃置租庸使總天下征賦莊宗亦踵其事暨今上登位削去使名命重臣一人專判曰判三司至是延朗自許州入掌國計自於樞密使請置三司使宣下宰臣以非故事擬授延朗充諸道鹽鐵轉運使令兼判戶部度支上不從故特降是命三司置使名自延朗始也

四年正月三司使奏當省有諸道鹽鐵轉運使額職員極多見有左右都押衙及客司通引令欲從正押衙設省職為轉遷之序正押衙同押衙衙前兵馬使討擊副使衙前虞候衙前子弟者勅衙前兵馬使已下名目皆是軍職不合係於省司其正押衙同押衙衙前虞候衙前子弟宜依

宣徽使

梁開平元年五月宣旨下徽院收管供奉官殿前受旨官宣左右內直等

後唐清泰元年七月殿直都知趙處愿承旨都知蔣德隣恩謝令具襴笏

晉天福六年七月勅宣徽院供奉官殿直人數不少今後諸道行軍副使不得奏請宣補骨肉

皇城使

梁開平三年七月勅內皇城諸門宜各差控鶴官兩人守把其諸司使並諸色人並勅于左右銀臺門外下馬不得將帶人入門逐日諸道進奉客省使于千秋門外排當訖勒控鶴官擡至內門前令董門殿直已下昇進其章善門仍令扃鎖不用逐日擅自開閉

乾化元年五月詔曰闈是正門也宜以時開閉用達陽氣委皇城使準例檢校啟閉車駕出則闔扉

元帥

後唐長興四年以秦王從榮為天下兵馬大元帥

其年九月中書門下奏秦王加天下兵馬大元帥自歷朝以來無天下兵馬大元帥公事儀注或專一面之權或總諸道之司其儀注規程公事條目載詳故實未見明文臣等謹沿近事伏見招討使總管兼受副使已下橐鞬庭禮令望令諸道節度使已下凡帶兵權者見元帥階下具軍禮參見皆申公狀其使相者初相見亦以軍禮一度已後客禮相見應天下諸軍務公事元帥府行指揮其判六軍諸衛事具行公牒往來其元帥府所置官屬補授軍職則委元帥奏請從之

諸道節度使軍額

滑州 唐光啟二年四月改為宣義軍節度使 許州 梁開平二年改為宣武軍節度使 邢州 梁開平二年改為宣武軍節度使 鄧州 梁開平二年改為宣武軍節度使 滎州 梁開平二年改為宣武軍節度使 滑州 唐光啟二年四月改為宣義軍節度使 許州 梁開平二年改為宣武軍節度使 邢州 梁開平二年改為宣武軍節度使 鄧州 梁開平二年改為宣武軍節度使 滎州 梁開平二年改為宣武軍節度使 滑州 唐光啟二年四月改為宣義軍節度使 許州 梁開平二年改為宣武軍節度使 邢州 梁開平二年改為宣武軍節度使 鄧州 梁開平二年改為宣武軍節度使 滎州 梁開平二年改為宣武軍節度使

復德八故 之政命為屬降顯六初月也節月度升之隸州 舊元月也 鎮也 初彭郡為降顯六初月也 節月度升之隸州 軍年却至漢軍晉澶州平德隸魏州十為平漢天東二襄州福晉十福年二正安安軍 額五並漢天額福館七勝天以天相盧天福道年六州房晉二天福年二正安安軍 代為福十驛年渡福澶州相正度二年貝登晉州福年二正安安軍 州成十驛年渡福澶州相正度二年貝登晉州福年二正安安軍 軍周德二年恒正至三衛二年相正度二年貝登晉州福年二正安安軍 節顯軍年恒正至三衛二年相正度二年貝登晉州福年二正安安軍 度德府山名改年十州十州明一年州萊開割七年年十月月升升節 以元州名改年十州十州明一年州萊開割七年年十月月升升節 初年乾祐天並順月月初升充州亂魏博以節博冀二二月楊光遠禦初平均 歸升祐天並順月月初升充州亂魏博以節博冀二二月楊光遠禦初平均 降為三福改國升為防防周廣順歸度使楊師厚薨却為乃周清 故塞四年恒節節為防防周廣順歸度使楊師厚薨却為乃周清 汾月降升以改號鎮寧相州幕五莊宗厚薨却為乃周清 升周為永安重郡軍州移容五月宗厚薨却為乃周清 為顯團永安重郡軍州移容五月宗厚薨却為乃周清 寧德練安軍叛為恒濮理所起叛為乃周清 化元州軍叛為恒濮理所起叛為乃周清 軍年至節初州應隸於叛為乃周清 節五周顯至平應隸於叛為乃周清 度月顯至平應隸於叛為乃周清

以初歸夔州後唐天順故也成二年七月楚州後唐天忠正軍節度三年十月壽州後唐天成三年十月長興二年升為中軍節度閩州升為保成軍節度四年十月虔州後唐八月長興二年昭信軍節度洮州後唐長興四年十一月升為靜節度晉天福四年五月保順軍節度懷德軍節度湖州周顯德二年六月也奏金州晉天福四年五月復降為防禦州湖州周顯德二年六月節度從兩浙天福十年二年復降為防禦州湖州周顯德二年六月錢宏做奏也雜錄

後唐天成元年十一月勅雄武軍節度使官銜內宜兼押蕃落使
二年七月勅項因用本朝親王遙領方鎮其在鎮者遂云副大使
知節度事但年代已深相沿未改今天下侯伯並正節旄惟東西
兩川未落副大使字宜令今後祇言節度使

親王遙領節度使

後唐清泰元年六月以皇子重吉遙領成德軍節度鎮冀深趙等

州觀察處置北面水陸轉運制置等使兼河南尹判六軍諸衛事

晉天福八年以皇弟重睿為開封尹充管內河堤使時重睿以年

左散騎常侍邊尉權知府事逐月支錢七十千米麵未出閣命


匹草萊別支公用米二十石麥五十石羊二十口每年麵三千斤

開運二年五月又遙領雄武軍節度秦階成等州觀察處置押蕃
落管內營田制置等使至三年正月改領忠武軍節度許蔡申等
州觀察處置使

三年三月以皇子延煦遙領鎮寧軍節度澶相等州觀察處置管
內河堤等使至其年十一月改領保寧軍節

Handwritten text in a cursive script, likely a diary or journal entry, covering the upper portion of the right page.

Handwritten text in a cursive script, continuing from the upper portion of the right page.



Handwritten text in a cursive script, covering the lower portion of the left page.

七年四月降雄州為昌化軍警州為威肅軍其軍使委命本道差

補

周顯德元年十月以萊蕪監為廣利軍從前監使張崇謙奏請也

至六年十一月復廢為萊蕪治

二年三月以李晏口為靜安軍

李晏口當契丹入寇之路築城屯軍為邊防人甚賴之

其年六月廢景州為定遠軍所管東光弓高兩縣隸滄州安陵縣

隸德州

其年七月廢環州為通遠軍

三年五月以渦口鎮為鎮淮軍

五年六月以鄂州漢陽縣為漢陽軍

時初平淮南之地以江為界

六年十一月以鳳州固鎮為雄勝軍

諸使雜錄

梁朝諸司使名崇政院使租庸使宣徽院使客省使天驥使飛龍使莊宅使大和庫使豐德使儀鑿使乾文院使文思院使五坊如京使尚食使司膳使洛苑使教坊使東上閣門使西上閣門使內園裁接使弓箭庫使大內皇城使武備庫使引進使左藏庫使西京大內皇城使閑廐使宮院使翰林使

梁開平元年五月改御食使為司膳使小馬坊使為天驥使文思院使為乾文院使同和院使為儀鑿使至三年十一月乾文院却置使

其年九月勅近年文武諸道奉使皆分外停留今後兩浙福建廣州安南邕容等道使到發許住一月湖南洪鄂黔桂住二十日荆襄同雍鎮定青滄許住十日其餘近輔歇泊三五日如是往來道路據里數日行兩驛如遇疾患及江河阻隔委所在長吏具事由聞奏仍仰御史臺覺察

三年十月置左右軍巡使以段明遠為左軍巡使鄧成為右軍巡使

雖合差人巡警京都往置巡院罷諸軍巡檢人員仍令判六軍管水北右軍巡管水南各置巡院罷諸軍巡檢人員仍令判六軍諸衛張宗爽都管轄

乾化元年十二月以大理卿王膳為安南送旌節官告使舊制巡撫點陟

冊命張卹弔贈人蕃等使選朝臣為之其宣慰加官送旌節即以中官為之今以三品送旌節新例也

後唐同光二年二月中書門下奏今後大鎮節度使管三州已上者每年許奏管內官三人管三州已下者許奏二人仍須是考績

尤異如止於徵科及限檢損無瑕祇得書考不得奏薦其防禦使每年許奏一人刺史無奏薦之例更有將前資官請他處除授者

謂之橫薦亦宜止絕如有違越中書不在施行之限從之

其年三月中書門下奏儀仗法物使李肅是偽梁置此使願使令主持又無考限況主持法物各有本司請準舊停廢從之

天成元年九月以尚書都官郎中庾傳美為三川搜圖籍使

其月北京奏準宣命于係省賣麴錢上每貫割留二百充本府公

使初朱守殷為河南尹兼平章事與宰相貴要交歡屢有宴會及告安重誨以司府無利潤支費遂議割麴錢奏從之諸府因以

例為

二年三月二十一日勅諸道州府所有專差人持禮往來皆具申

奏況列藩交聘諸侯接歡乃自古之通規亦明朝之舊事近日皆

宜章奏稟命朝廷旣旌敦好之風兼表睦鄰之好且道非越境何

勞上聞宜令徧降勅命指揮諸道州府自今後應是諸道差人持

禮來去並令不要申奏

四年五月勅今後諸州諸使凡於解署並須專切增修不得信任

摧毀凡所置辦亦令勒具年月編於帳籍交代之際分明交領不

得因此接便擾人

其年六月勅諸州侯伯所請賓從及主事元隨並令奏其姓名或
叅佐道虧各令加罪

其年七月勅諸道州府不得奏薦將校職員乞行恩命如顯有功
効即列奏以聞

長興元年五月勅今後凡有除移準宣詔遣差外其餘須候人到
彼點檢交割軍州公事了日即可發離本處仍命逐道觀察使散
管內諸州準此

二年五月勅今後應內外臣僚不計在朝出使並不得輒發書題
妄行請託於諸處安排公人宜令三司及諸道州府節使防禦團
練使刺史等或有人不畏條勅猶躡舊踪者並仰立具姓名聞奏
發薦者貶所任官求薦者配於邊遠州縣常知所在如逐處長吏
自徇人情顯違勅命祇被替人詣闕上疏勘問不虛長吏罰兩月

俸發薦人比前例更加一等被替人却令依舊仍從再勾當後三年內除別顯有罪名外不得妄有替移其長興二年五月一日已前所犯不在上訴之限兼勅到後但是州府並於鋪驛及顯要處粉壁具錄勅命曉諭常令申舉永使聞之況蒙國爵待人惟賢是舉稍聞俊乂必命獎升其有端士正人雄文大學言可以經綸王道行可以規矩人倫但當顯陳表章明具論薦名始得正功不棄材所期絕彼倖人豈可滯諸賢者

其年七月勅諸道奏薦州縣官各定員數令宜增益以廣搜揚帶使相節度使每年許薦三人令加至五人不帶使相節度使許薦二人令加至三人直屬京防禦團練使許薦一人令加至二人即不得薦新罷任及過格之人如未曾有官者當別比擬

清泰元年八月勅凡闕差使須示均平今後文武百官充使者宜

令依例輪差中書置簿不得重疊其內降宣論不拘此例若當使自緣有事或不欲行注簿便當一依長興三年正月後已曾奉使者便著為首已後差使次第注之

晉天福二年二月勅今後中外臣寮或因差使出入不得薦囑人于藩鎮希求事任如有犯者準長興二年勅條處分

其月勅諸道馬步都虞候今後朝廷更不差補委逐州府于衙前大將中選久歷事任曉會刑獄者充仍以三年為限不得於元隨職員中差補其今日已前見在任者如無罪犯宜令終其月限候將來得替仰本道於衙前收管不得赴闕

五年六月勅承旨者承時君之旨非近侍重臣無以稟命是以大朝會則以宰臣承旨草詔書則以學士承旨若無區別何表等威除翰林學士承旨外殿前承旨改為殿直樞密院承旨改為承宣

御史臺三司閤門客省承旨並令別定其名

其年七月二日勅應內外諸使諸司及諸州府凡有諸色公事須具奏聞今後不得白狀及劄子記事申覆如事關機密即準元降宣命實封斜角不題事目通下其合申中書及中書勘會公事所申狀亦須是本司及逐處官員印署不得將白狀及記事劄子兼令司局抄劄子申宜令御史臺及宣徽院三司侍衛司諸道州府準此

漢乾祐三年五月勅諸防禦團練州申奏公事除朝廷以軍期應副則不及聞於廉使如尋常公事不得自專須先申本官勘酌以聞今後州府不得違越

其月勅諸道州府宜差散從官大府五百人下州二百人宜量戶口多少差團集本處管係立節級點檢教習警備州城至周廣順

元年三月勅其諸道州府所差散從官親事官並放歸農自去年四月已前州縣元管係人數一切仍舊其遞鋪如已前招召到者且仰仍舊今後更不得招召其諸處場院並不得影庇兩稅人戶其河北諸州府及澤潞晉絳慈隰解等州於先差散從親事官內選弓箭手祇且留住本州管係其餘放遣

先是漢隱帝命諸州于百姓內差散從官親事

官又差刀及人戶充遞鋪又下三司諸場務召人戶替占役兵皆不便于民故放之

其年七月勅應諸道州府鎮務祇差補鋪符一員都虞候一員餘

並除廢

因尚書都官郎中曹謙言故降是勅


周廣順元年五月勅今後諸州府不得奏薦無前資及無官並無出身人如有奇才異行亦許具名以聞便可隨表赴闕當令有司考試朕當親覽

顯德五年四月六日勅應諸道州府進奏逐月合請俸料及紙筆

等錢宜令今後于本州公使錢內支給不得分配人戶及州縣門戶如本州公使錢少不便支給處祇不要置進奏官仰於衙前差有名糧職員充進奏院副知仍二周年替罷本州優與安排



五代會要卷二十五



王



溥

撰



幕府

後唐同光二年八月八日中書門下奏諸道除節度使及兩使判官除授外職其餘職員並軍事判官伏以翹車著詠芟帛垂文式重弓旌以光樽俎由是副知己之薦成接士之榮必當備悉行藏習知才行先奉幕中之畫以稱席上之珍爰自偽梁頗幸斯義皆從除授以佐藩宣因緣多事之秋慮爽得人之選將期推擇式示更張今後諸道除節度副使判官兩使除授外其餘職員並諸州軍事判官等並任本道本州各當辟舉其軍事判官仍不在奏官之限

天成元年八月十一日勅諸道開置幕府皆有舊規奏薦官寮亦

著前式苟或墮紊難正澆訛從前諸道奏請判官若遇移鎮便合隨去若無除授亦隨府罷近年流例有異從來使府雖遇除移判官元守舊職者今後若朝廷除授者即不係使府除移如是自請充職者便須隨去如遇府罷其職亦罷又徃例藩鎮帶平章事奏請判官殿中已上許奏紫不帶平章事亦同帶平章事例處分如是防禦團練使奏請判官自員外郎已下不在奏緋之限其所奏判官州縣官並須將前任告敕隨奏到京若是未曾有官須假試銜者亦隨奏狀內言並未有官如是節度觀察留後及權知軍州事並不在奏請判官之限如刺史要奏州縣官並須申本道請發表章不在自奏之限今日諸道奏請從事本無官署要結虛銜不計職位高卑多是兼請朱紫不惟紊亂實啟倖求深蠹彝章須行釐革宜令諸道州府仍下管內諸州準敕命處分

四年六月勅諸道節度行軍司馬名位雖高或帥臣不在其軍州事節度副使權知

長興元年五月十六日勅去年相次有諸道前資掌書記已下賓從到京求官人數極多或自述行止或得替節度使論薦兼有已於郊天行事者即日朝班中無員闕安排前件官等皆隨府罷職相次到京當奏辟之時慎選盡由門館及替閑之後安排須告朝廷若不特議區分即恐久令淹滯宜令于諸道掌書記已下據有員闕處各除授一員仍自此凡是朝官及諸州府判官得替一周年後得求官擢才特勅不在此限

其年十二月十九日太常丞孔知邵奏請諸道行軍副使兩使判官及防禦團練軍事判官並請依考限從滿一月前本處聞奏朝廷除替從之兼上佐令錄判司主簿亦準此指揮或有丁憂及不

赴任因事停官身死並具日月申如不依指揮罪本處判官

二年二月中書門下奏準天成四年六月二十日勅使準舊例以三年為限其上尹上佐官以二十五月為限府縣官準長定格以三十月為限其行軍副使兩使判官已下賓僚及防禦團練副使判官推官軍事判官並宜以三十箇月為限如是隨府不在此限其年十一月勅今後兩使判官罷任後一年外與比擬書記支使防禦團練判官等二年外推巡防禦團練推官軍事判官等並三年與比擬仍每遇除授量與改轉官資或階勳職次若文學智術超羣軼倫者不拘月日之限才器卑陋階緣得事者即於州縣官中比擬若州縣官中有文學雄奧識畧優深者亦與班行諸道判官中比擬任使

清泰二年七月中書門下奏自今年三月後諸州刺史奏軍判官

九人行之有礙新勅慮在外未知勅來判官宜令本州刺史自選擇舉奏且初除本職未得與官或與刺史連任相隨顯有勞能許本州刺史以聞量事獎擢仍不得枉有論薦其三月後九人且與施行

晉天福二年二月勅前任諸道行軍副使等今後替罷一年後方得赴闕其先替在京者宜令中書門下據見有關員除授仍勅諸道知

四年七月勅今後防禦團練刺史所奏從事無名官者不在申薦漢乾祐元年正月勅其諸道行軍副使兩使判官今後不得行奏薦委中書門下選帶使相節度使許奏節度掌書記觀察支使節度推官不帶使相節度使只許奏節度掌書記節度推官其防禦團練判官等聽奏今須精擇才能具奏薦州縣官帶使相許薦三

人不帶使相許薦二人防禦團練刺史許薦一人仍舉唐朝晉朝
勅永為規制

周廣順元年三月勅副留守節度副使行軍兩京少尹留守判官
兩使判官共許差定當直人力不得過十五人諸府少尹掌書記
文使防禦團練副使不得過一十人節度推官防禦團練軍事判
官不得過七人並取本廳舊當直人力充若數少不及新定數目
祇仰舊人數差定仍令逐處係帳收管此外如不遵條制額外占
差人戶本官當行朝典

顯德二年六月詔兩京諸道州府留守判官兩使判官少尹防禦
團練軍事判官今後並不得奏薦如隨郡已歷前件官職者不在
此限其防禦團練刺史各置推官一員

租稅

後唐同光三年二月勅魏府小菘豆稅每畝減放三升城內店宅
園圃比來無稅頃因偽命遂有配徵後來以所徵物色添助軍裝
衣賜將令通濟宜示矜蠲今據繁慢去處於見輸稅絲上每兩作
三等酌量納錢貴與充本迴圖收市軍裝衣賜其絲仍與放除
其年閏十二月吏部尚書李琪上疏曰臣聞古人有言穀者人之
司命地者穀之所生人者君之所理有其穀則國力備定其地則
人食足察其人則徭役均知此三者為國之急務也軒黃已前不
可詳記自堯堙洪水禹作司空于是九等之田收什一之稅其時
戶口一千三百餘萬定墾田約九百二十萬頃為太平之盛及殷
革夏命重立田制每私田十畝種公田一畝水旱同之亦什一之
義也洎周室立井田之法大約百里之國提封萬井出車千乘戎
馬四千匹畿內兵車萬乘馬四萬匹以田法論之亦什一之制也

故當成康之世比堯舜之朝戶口更增二十餘萬非他術也蓋三代之前皆量入以為出計農以為軍雖逢水旱之災而有凶荒之備降及秦漢重稅工商急關市之征倍舟車之算人口既以減耗古制猶復兼行按此時戶口尚有二千百餘萬墾田亦一千八百餘萬頃至于三國並興兩晉之後則農夫少於軍衆戰馬多於耕牛供軍須奪於農糧秣馬必侵於牛草于是天下戶口止有二百四十餘萬洎隨文之代與漢比崇及煬帝之年又三分去二唐太宗文皇帝以四夷初定百姓未豐延訪羣臣各陳所見唯魏徵獨勸文皇帝力行王道由是輕徭薄賦不奪農時進賢良悅忠直天下斗粟值兩錢自貞觀至於開元將及九百萬戶五千三百萬口墾田一千四百萬頃比之近古又多增加是知救人瘼者以重斂為病源料兵食者以惠農為軍政仲尼云百姓足君孰與不足臣

之此言是魏徵所以勸文皇也伏惟深留宸鑒如以六軍方闕未可輕徭兩稅之餘猶須重斂則但以折納為事一切以本色輸官又不以紐括為名止以正稅加納天下幸甚勅本朝徵科唯配有兩稅至于折納所不施為宜依李琪所論應逐稅所納錢物斛斗鹽錢等宜令租庸使指揮並準元徵本色輸納不得改更若有移改即須具事由聞奏

天成元年四月勅節文應納夏秋稅子先有省耗每斗一升今後止納正稅數不量省耗

四年五月五日戶部奏三京鄴都諸道州府逐年所徵夏秋稅租兼鹽麴折徵諸般錢穀等起徵條流如後四十七處節候常早大小麥麩麥豌豆五月十五日起徵八月一日起徵正稅匹帛錢鞋地頭權麴蠶鹽及諸色折料六月五日起徵至八月二十日納足

河南府華州耀陝絳鄭孟懷陳齊棣延充沂徐宿汝中安滑漢澶襄均房雍許邢洛磁鄜隨郢蔡同鄆魏汴潁復鄆宋毫蒲等州

二十三處節候差晚隨本處與立兩等期限州郡未見一十六處

較晚大小麥蠶麥豌豆六月一日起徵至八月十五納足正稅匹

帛地頭錢鞋榷麴蠶鹽及諸色折料六月十一日起徵至八月二

十五日納足幽定鎮滄晉熙慈密青鄧淄萊邠寧慶行七處節候尤晚大小麥蠶麥豌豆

豆六月十日起徵至九月納足正稅匹帛錢鞋榷麴錢等六月二

十日起徵至九月納足并路澤應威塞軍大同軍振武軍

其月勅百姓今年夏苗委人戶自通供手狀具頃畝多少五家為

保委無隱漏攢連狀本州具狀送省州縣不得迭差人檢括如人

戶隱欺許令陳告具田倍令並徵

長興二年六月勅委諸道觀察使屬縣于每村定有力人戶充村

長與村人議有力人戶出剩田苗補貧下不追項苗自肯者即具

狀徵收有詞者即排段檢括自今年起為定額有經災沴及逐年

通處不在此限

三年十二月三司奏請諸道上供稅物充兵士衣賜不足其天下

所納斛斗及錢除支贍外請依時折納綾羅絹布從之

晉天福四年正月勅應諸道節度刺史不得擅加賦役及於縣邑

別立監徵所納田租委人戶自量自概

周顯德三年十月宣三司指揮諸道州府今後夏稅以六月一日

起徵秋稅至十月一日起徵永為定制

五年七月詔曰朕以寰宇雖安烝民末泰當乙夜觀書之際校前

賢阜俗之方近覽元稹長慶集見在同州時所上均田表較當時

之利病曲盡其情俾一境之生靈咸受其賜傳於方冊可得披尋

因令製素成圖直書其事庶公王親覽觸目警心利國便民無亂

條制背經合道盡繫變通但要適宜所冀濟務繫乃勛舊共庇黎
元今賜元稹所奏均田圖一面至可領也是時上將均定天下民
祖故先以均田圖遍賜

諸侯

其年十月賜諸道均由詔曰朕以干戈既弭寰海漸寧言念地征
罕臻藝極須議並行均定所冀永適重輕卿受任方隅深窮治本
必能副寡昧平分之意察鄉閭致病之源明示條章用分寄任玆
令集事允屬推公今差使臣徃彼檢括餘從別勅乃命左散騎常
侍文穎等三十

四人于諸州
檢定民租

雜錄

後唐長興三年三月十三日勅天下州府受納稗草每束納錢一
文足一百束納拘子四莖充積年供使棗鍼一莖充稗場院具草
併柴蒿一束納錢一文其納絹絕布綾羅每疋納錢一十二文足

絲綿紬子麻皮等每一十兩納耗半兩鞋每量納錢一文足見錢
每貫納七文足省庫收納上件足物元條流見錢每貫納二文足
絲綿紬子每一百兩納耗一兩具諸色匹段並無加耗

二年閏五月勅今後諸州府所納稗草每二十束別加耗一束充
場司耗折其每束上舊納盤纏錢一文仰官典同供繫監一分
明上歷至納遣子絕已來公使不得輒將出外

周廣順元年三月二十八日勅諸道州府牛皮今後犯一張本犯
人徒三年刺配重處色役本管節級所由杖九十兩張以上本人
處死本管節級所由徒二年半刺配重處色役告事人賞錢五十
千其人戶有牛死者其本戶報告本地方所由節級鄰保人仰當
日內同檢驗過令本主晝時剝皮及申報本主官吏限十日內須
送納畢具筋骨不得隱落

二年十二月勅應天下人所納牛皮令將逐年所納數三分內減收二分其一分于人戶苗畝上配定每秋夏苗共十頃納連角牛皮一張其黃牛納乾筋四兩水牛半斤犢犍皮不在納限其皮人戶自詣本州送納所司不得邀難所有牛馬驢騾皮筋骨今後官中更不禁斷並許私家共使買賣祇不得將出來敵疆關仍仰關津界首子細覺察捕捉所犯人必加深罪其州縣先置巡檢牛皮節級及朝廷先降條法一切停廢

顯德三年五月勅應天下今後公私織造到絹帛紬布綾羅錦綺及諸色疋帛其幅尺斤兩並須合向來制度不得輕弱假偽罔冒取價如有物色以上等限一百日內並須破貨了絕如限外敢有違犯織造貨賣者仰所在節級所由擒捉送官

其年十月勅舊制織絕絹布綾羅錦綺等幅闊二尺起來年

後公私織造並須及二尺五分不得夾帶粉藥宜令諸道州府嚴切指揮來年所納官絹每疋須及一十二兩河北諸州並萊登沂密州須及一十二兩絕紬止要夾密停勻不定斤兩絕紬絹長依舊四十二尺

四年二月六日勅節文諸道州府所管屬縣每年秋夏徵料了畢後多是却追縣典上州會關文鈔因茲科配斂掠宜令今後秋夏徵料了足日仰本州府但取倉場庫務納欠文鈔如無異同不在更追官典諸道州府管內縣鎮每有追攝公事自前多差衙前使院職員及散從步奏官今後如是常程追攝公事祇令府望知後承受遞送不得更差專人若要切公事及軍期不在此限
三年六月四日勅諸道州府應有商賈興販牛畜不計黃水牛凡經過處不得抽稅如是貨賣處祇仰據賣價每一千抽稅錢二十

不得別有邀難

團貌

周顯德五年十月詔諸道州府令團併鄉村大率以百戶為一團選三大戶為耆長凡民家之姦盜者三大戶察之民田之有耗登者三大戶均之仍每及三載即一如是

帳籍

梁開平三年三月尚書戶部奏請詔天下州府準舊章申送戶口帳籍從之

晉天福九年八月勅天下諸州各以係省錢穀秋夏徵科為帳籍一季一奏一年賦稅及限其藩候郡守吏委在任一年次年又不逋欠聽三周年為滿三年皆辨別議遣陟

逃戶

後唐天成三年十二月十日殿中監李延範奏請指揮諸道州府每逃戶歸業後委州司各與公憑二年內放免兩稅差科如有違許州論詳勘責若州縣官招得五百戶已上等第獎勵從之

長興三年七月二十七日勅應諸處凡有今年為經水滂逃戶莊園屋舍桑棗一物已上並可指揮州縣散下鄉村委逐村節級鄰保人分明文簿各管見在不得輒令毀折房舍斬伐樹木及散失動使什物等候本戶歸業日却依元數責令交付訖具無欠少罪結狀申本州縣如元數內稱有事欠少許歸業戶陳狀訴論所犯節級並鄉隣保人等並科違勅之罪仍勒備償或至來年春入務後有逃戶未歸者具桑土即許隣保人請佃供輸租稅種後本主歸來亦準上指揮至秋收後還之

周顯德二年五月二十五日勅應自前及今後有逃戶莊田許人

請射承佃供納租稅如三周年後本戶來歸業者具桑土不以荒熟並莊田交還一分應已上承佃戶如是自出力別蓋造到屋舍及栽種到樹木園圃並不在交還之限如五周年外歸田者莊田除本戶墳塋外不在交付如有荒廢桑土承佃戶自來無力佃蒔祇仰交各與歸業人戶佃蒔一近北諸州自契丹離亂鄉村人戶多被番軍打虜向北近來多有百姓自番界迴來其莊田已被別戶請射無處歸託今後如有五周年內其本主還來識認不以桑土荒熟並莊園三分中交還二分十周年內來者交還一半十五周年內來者三分中交還一分上項承佃戶如自出力別蓋造到屋舍及栽種到樹木園圃並不在給還之限如十五周年外歸業者其莊田除本戶墳塋外不在給還如有荒廢桑土承佃戶自來無力佃蒔祇仰交各與歸業人戶佃蒔一應有坐家破逃人戶其戶

下物業並許別戶陳告請射承佃供納租稅充為永業不限年載不在論認之限所有本戶及鄉村節級重行斷決一諸州應有冒佃逃戶物業不納租稅者其本戶歸業之時不計年限並許論認仰本縣立差人檢勘交割與本主為主如本戶不來歸業亦許別戶請射為主所有冒佃人戶及本縣節級重行科斷如冒佃人戶自來陳首承認租稅者特與免罪一顯德二年正月二十五日已前應有逃戶拋下莊田自來全段無人承佃曾經省司指揮開闢租稅者宜令本州縣招携人戶歸業及許別戶請射為主與免一年差科色役至第二年已後據見在桑土及租蒔到見苗詣實供通輸納租稅

雜錄

後唐天成二年十二月三日勅率土黎氓並輸王稅逐年上計祇

在春時深虞所在之方或有無知之關不自增修產業輒便攪擾鄉鄰既撓公門須嚴定制宜令今後凡關論認桑土二月後州縣不得受狀十月後間方許論對仍令逐處官吏準前後條格據理斷割

周顯德四年七月勅起今後應有人論訴物業婚姻自十一月一日後許承狀至二月三十日權停自二月三十日已前如有陳訴至權停日公事未了絕者仰本處州縣亦與盡理勘逐須見定奪了絕其本處官吏如敢違慢並當重責其三月一日後至十月三十日已前如有婚田詞訟者州縣不得與理如是交相侵奪情理妨害不可停滯者不拘此例

奴婢

後唐同光二年二月勅應有百姓婦女俘虜他處為婢妾者不得

占留一任骨肉識認

天成元年十月三日勅京城諸道若不是正口不得私書契卷輒使良人

周顯德五年七月新定刑統眩誘良口勾引逃亡奴婢與貨賣所資衣裝者其眩誘勾引之人伏請處死良口奴婢並準律格處分如是居停主人元不是勾引之人請行重斷其或分受贓物至三疋已上者處死如有將良口於番界貨賣者居停主人明知賣與番界不告官者亦請處死

道路

後唐天成三年二月興元府奏修斜谷閣道二千八百餘間四月洋州奏重開入蜀舊路比今官道近三十五驛五月夔州奏開新路至房州

長興二年八月勅準儀制令道路街巷賤避貴少避長重去避來
宜令三京諸道州府各遍下縣鎮準舊儀制于道路分明刻牌子
要會坊門及諸橋柱曉示路人委本界所由官司共加巡察有違
犯者科違勅之罪

四年三月西京留守王思同進擬開駱谷路圖吐指山險謂侍臣
開道左右奏曰據興元關內兵戎交番及轉餉大散修開此路
迂迴校五百里如從駱谷自雍京直抵興元糧戍稍便然此路險
阻尤甚以此竭力求通將來霖雨亦煩
修葺上僥勉從其奏竟無成功而止



五代會要卷二十六

宋

王

溥

撰



街巷

後唐同光二年八月勅在京應有空閒地任諸色人請射蓋造藩
方侯伯內外臣寮於京邑之中無安居之所亦可請射各自修營
其空閒有主之地仍限半年本主須自修蓋如過限不見屋宇亦
許他人占射

其月勅諸道觀察防禦團練等使刺史出司土宇入覲朝廷將壯
宸居須崇甲第宜於洛京修宅一區

長興二年六月八日據左右軍巡使奏諸廂界內多有人戶侵占
官街及坊曲內田地蓋造舍屋又不經官中判押憑據廂界不敢
懸便止絕切恐久後別有人戶更於街坊占射轉有侵占不惟窄

狹蕪恐久後及致人戶爭競近日人戶係稅田地多被軍人百姓作空閒田地便立封疆修築牆壁占射又無判押憑據及本主或有文契典賣蕪云占射年深或有稅額及無稅空閒攔怯不令修蓋以此致有爭競廂界難以止絕者其在京諸坊曲應有空閒田地先降勅命許人戶請射蓋造及見種蒔公私田地如是本主自有力便令蓋造舍屋若無力即許人請射修蓋自後相次諸色人陳狀委河南府勘逐如實是閒田及不侵占官街然後指揮擘畫交付今所稱諸色人侵占街坊及於見有主稅地內占射蓋造必應有妨車牛過往及恐百姓互爭議論須定規繩各令禦守京城應天街內有人戶見蓋造得屋宇外此後並不得更有蓋造其諸坊巷道兩邊常須通得牛車如有小街巷亦須通得車馬來往此外並不得輒有侵占應諸街坊通車牛外即日或有越衆迥然出

頭牽蓋舍屋棚閣等並須畫時毀拆仍據擗截外其留街道闊狹尺寸一一分析申奏此後或更敢侵占不計多少宜委地分官司量罪科斷其街道內除水渠外不得穿掘取土若已有穿掘各勒逐地分人戶速速填平京城內諸坊曲除見定園林池亭外其餘種蒔及充菜園並空閒田地除本主量力自要修造外並許人收買見定已有居人諸坊曲內有空閒田地及種蒔並菜園等如是臨街堪蓋店處田地每一間破明間七椽其每間地價宜委河南府估價收買除堪蓋店外其餘若是連店田地每畝宜定價錢七千更以次五千其未曾有蓋造處宜令御史臺兩街使河南府依已前街坊田地分擘畫出大街及逐坊界分各立坊門蕪掛名額先定街巷闊狹尺寸後具坊內空間及見種田苗並充菜園等田地亦據本主自要量力修蓋外並許諸色人收買修蓋舍屋第宅

如是臨街堪蓋店處田地每一間破明間七椽其每間地價亦委河南府估價準前收買除堪蓋店外其餘連店田地每畝宜定價錢七千以次近外每畝五千更以次三千未有人買處且勒仍舊遠僻處或欲置菜園任取穩便兼應本主所留諸色人置到田地等並限三箇月內修築蓋造須見次第仍不得兩處收買田地其地祇許修造宅院並其間小小栽植竹木外不得廣作園圃及種植田苗仍令御史臺常加覺察如有故違仰具姓名申奏當行嚴斷其所置田地如是本主種田苗及見菜園候收刈及冬藏畢方許交割據交割日限後修蓋其已定田地內所有苗稅等宜令據畝數出除其所買田地除本主自要修蓋外有合賣數目如妄託形勢輒有逗留分外邀頡固心占悞者許買地人經臺論訴勘逐不虛所犯之人當行重斷其地仍準價例畫時交與所買之人其

所買賣田地仍令御史臺委本處巡按御史旋給與公憑仍色稅契右宜令御史臺兩街使河南府專切依次第擘畫曉示或有利便亦可臨時詳奪奏聞其月勅京城坊市人戶菜園許人收買切慮本主占佃年多以鬻蔬為業固多貧窶豈辦蓋造恐資豪猾轉傷貧民若是有力人戶及形勢職掌曹司等已有居地外於別處及連宅買菜園令人主關或典賃于人並準前勅價例如貧窮之人買得菜園自賣菜供衣食者即等第特添價值仍賣者不得多悞田土買者不得廣占田地各量事力須議修營

周顯德三年六月詔輦轂之下謂之浩穰萬國駿奔四方繁會此地比為藩翰近建京都人物喧闐閭巷隘陋雨雪則有泥濘之患風旱則多火燭之憂每遇交熱相蒸易生疾疹近者開廣都邑展引街坊雖然暫勞終獲大利朕自淮上迴及京師周覽康衢更思

通濟千門萬戶靡存安逸之心盛暑隆冬倍減寒燠之苦其京城內街道濶五十步者許兩邊人戶各於五步內取便種樹掘井修蓋涼棚其三十步已下至二十五步者各與三步其次有差

橋梁

晉天福二年六月置梁橋於德勝渡

關

梁開平元年七月勅建國稱都俾新其制況山川之險表裏為防今二京俱在關東為內仍以潼關隸陝州

其月勅改武牢關為軍

仍置虎牢軍使

市

後唐天成元年十一月二十一日勅在京市肆凡是絲絹斛斗柴炭一物已上皆有牙人百姓將到物貨賣致時物騰貴百姓困窮

今後宜令河南府一切禁斷如是產業人口畜乘須憑牙保此外仍不得輒置仍委兩軍巡使覺察切加捉獲如違並當嚴斷周廣順二年十二月開封府奏商賈及諸色人訴稱被牙人店主引領百姓賒買財貨違限不還其亦有將物去後便與牙人設計公然隱沒又莊宅牙人亦多與有物業人通情重疊將產宅立契典當或虛指別人產業及浮造屋舍偽稱祖父所置更有卑幼骨肉不問家長衷私典賣及將倚當取債或是骨肉物業自己不合有分倚疆凌弱公行典賣牙人錢主通同蒙昧致有爭訟起今後欲乞明降指揮應有諸色牙人店主人引致買賣並須錢物交相分付或還錢未足祇仰牙行人店主明立期限勒定文字遞相委保如數內有人前却及違限別無抵當便仰連署契人同力填還如諸色牙行人內有貧窮無信行者恐已後悞累即却衆狀集出

如是客旅人自與人商量交易其店主人牙行人並不得邀難遮
占稱須依行店事例引致如有此色人亦加深罪具有典質倚當
物業仰官牙人業主及四鄰同署文契委不是曾將物業印稅之
時于稅務內納契白一本務司點檢須有官牙人鄰人押署處及
委不是重疊倚當方得與印如有故違關連人押行科斷仍徵還
錢物如業主別無抵當仰同署契行保鄰人均分代納如是卑幼
不問家長便將物業典賣倚當或雖是骨肉物業自己不合有分
輒敢典賣倚當者所犯人重行科斷其牙人錢主並當深罪所有
物業請準格律指揮如有典賣莊宅準例房親鄰人合得承當若
是親人不要及著價不及方得別處商量不得虛擡價例蒙昧公
私有發覺一任親人論理勘責不虛業主牙保人並行重斷仍改
正物業或親鄰人不收買妄有遮怯阻滯交易者亦當深罪從之

城郭

後唐天成元年四月勅京都之內古無郡城本朝多事已來諸侯
握兵自保張全義土功斯設李罕之砦地猶存時已擴清固宜除
剗若特差夫役又恐擾人宜令河南府先分擘出舊日街巷其城
壕許占射平填使任蓋屋宇其城基內舊有巷道處便為巷道不
得因循妄有侵射仍請射後限一月如無力平剗許有力人戶占
射平填

周廣順二年正月詔開封府修補京師羅城率畿內丁夫五萬五
千版築旬日而罷

顯德二年四月詔曰惟王建國實曰京師度地居民固有前則東
京華夷輻輳水陸會通時向隆平日增繁盛而都城因舊制度未
恢諸衛軍營或多窄狹百司公署無處興修加以坊市之中邸店

有限工商外至絡繹無窮餽貨之資增添不定貧乏之戶供辦實多而又屋宇交連街衢湫隘入夏有暑濕之苦居常多煙火之憂將使公私須廣都邑宜令所司於京城四面別築羅城先立表識候將來冬末春初農務閒時即量差近甸人夫漸次修築春作纔動便令放散或土功未畢即次年修築今後凡有營壘及興窰竈並草市並須去標識七里外其標識內候官中擘畫定軍營街巷倉場諸司公廨院務了即任百姓營造至三年正月發畿內及滑曹鄭之丁夫十餘萬築新羅城仍使曹州節度使韓通都部署夫役

館驛

晉天福五年九月改東京上源驛為都亭驛
周廣順二年十二月勅諸道所差知管驛人不得於州縣別差人

戶貼助致擾貧民

顯德四年四月改赤倉驛為通吳驛初世宗始議圖南命于赤倉置驛至是以其名識之
五年以城東新驛為懷信驛待江南二使也

鹽

後唐同光三年二月勅魏府每年所徵隨絲鹽錢每兩與減放五文逐年俵賣蠶鹽食鹽大鹽甜次冷鹽每斗與減五十樂鹽與減三十

天成元年四月勅諸州府百姓合散蠶鹽今後每年祇二月內一度俵散依夏稅限納錢

晉天福元年十一月勅節文京洛管內逐年所配人戶食鹽起來年每斗減放十文
七年十一月宣旨下三司應有往來鹽貨悉稅之過稅斤七文住

稅每斤十文其諸道應有係屬州府鹽務並令省司差人勾當是
諸州府除俵散蠶鹽徵錢外每年末鹽界分場務約糶錢一十七
萬貫有餘言事者稱雖得此錢百姓多犯鹽法請將上任人逐使
于諸道州府計戶每戶一貫至二百為五等配之然仍舊俄而鹽
興販既去不虧官又益百姓朝廷行之諸處務亦且仍舊俄而鹽
貨類賤又難驟改其法奏請重置稅焉蓋欲絕興販歸利于官場院
糶鹽雖多戶甚苦之

周廣順二年三月勅青白池務素有定規祇自近年頗乖循守比
來青鹽一石抽稅錢八百足陌鹽一斗白鹽一石抽稅錢五百鹽
五升其後青鹽一石抽錢一千鹽一斗訪聞改法以來不便商販
宜令慶州權鹽務今後每青鹽一石依舊抽稅八百以八十五為
陌鹽一斗白鹽一石抽稅錢五百八十五陌鹽五升此外更不得
別有邀求青白鹽池在鹽州北唐朝元管四池曰烏池白池瓦窰池紐頂池今出稅置吏惟有青白二池
三年二月勅諸州府並外縣鎮城內其居人屋稅鹽今後不依其

鹽錢亦不徵納所有鄉村人戶合請蠶鹽所在州縣城鎮嚴切檢
校不得放入城門

顯德元年十二月上謂侍臣曰朕覽食末鹽州郡犯私鹽多於顆
鹽界分蓋卑濕之地易於刮鹺煎造豈惟違我權法兼又汚我好
鹽況末鹽煎煉搬運費用倍于顆鹽今宜分割十餘州令食顆鹽
不惟輦運省力兼亦少人犯禁自是曹宋已西十餘州皆食顆鹽
三年十月勅漳河已北州府管界元是官場糶鹽今後除城郭草
市內仍舊禁法其鄉村並許鹽貨通商逐處有鹺滴之地一任人
戶煎煉興販則不得踰越漳河入不通商地界

麴

梁開平三年十一月勅聽諸道州府百姓自造麴官中不禁
後唐天成三年七月十三日勅應三京鄴都諸道州府鄉村人戶

自今年七月後于是秋田苗上每畝納麴錢五文足陌一任百姓造麴醞酒供家其錢隨夏秋徵納並不折色其京都及諸道州府縣鎮坊界及關城草市內應逐年買官麴酒戶便許自造麴醞酒貨賣仍取天成二年正月至年終一年逐月計算都買麴錢數內十分祇納二分以充權酒錢便從今年七月後管數徵納權酒戶外其餘諸色人亦許私造酒麴供家即不得求私賣酒如有故違便即糾察勒依中等酒戶納權其坊村一任沽賣不在納權之限其麴勅命到後任便踏造如賣麴酒戶中有去年曾買官麴今年因事不便買麴任開店者則與出落如覩新勅有情愿開店投權者則不計舊戶新戶便令依見納酒等戶例出權此後酒戶中有無力開店賣酒者許其隨處陳狀其舊納錢並宜停廢應諸處事務亦仰十分減八分價錢出賣不得更請官本踏造

長興二年三月勅節文諸道州府人戶每秋苗一畝上元徵麴錢五文今後特放三文祇徵二文

二年五月勅應三京諸道州府苗畝上所徵麴錢便從今年夏並放其麴官中自造委逐州減舊價一半於在城撲斷貨賣除在城居人不得私造外鄉村人戶或要供家一任自造勅既下人甚便之

其年七月三司奏諸道州府申論先有勅命許百姓造麴不來官場收買伏慮課額不迨請準前麴法鄉村百姓與在城條法一例指揮從之仍據百姓已造到麴務令送納入官量支還麥本

周顯德四年七月勅諸道州府麴務今後一依往例官中禁法賣麴逐處先置都務處候勅到日並仰停罷據見在麴數準備貨賣兼據年計合使麴數依時踏造候人戶將到價錢據數給麴不得

賒賣抑配與人其外場酒務一切仍舊應鄉村人戶今後鄉村自造米醋及買糟造醋供食仍許于本州縣界就精美處酤買其酒麩條法依舊施行先是晉漢以來諸道州府皆權計麩額置都務以沽酒民間酒醋例皆薄上知其弊故命改法

鐵

後唐長興二年十二月勅今後不計農器燒器動使諸物並許百姓逐便自鑄造諸道監冶除當年定數鑄辦供軍熟鐵並器物外祇管出生鐵比已前價各隨逐處見定高低每斤一例減十文貨賣雜使熟鐵亦任百姓自煉巡檢節級勾當賣鐵場官併鋪戶一切並廢鄉村百姓祇於係省夏秋苗畝上納農器錢一文五分足隨夏秋稅二時送納

晉天福六年八月勅節文諸道鐵冶三司先條流百姓農具破者

須於官場中賣鐵時却于官場中買鐵今後並許百姓取便鑄造買賣所在場院不得禁止攪擾

鹽鐵雜條上

後唐長興四年五月七日諸道鹽鐵轉運使奏諸道州府鹽法條流元末一槩定奪謹具如後應食顆鹽州府省司各置權糶折博場院應是鄉村並通私商興販所有折博並每年人戶蠶鹽並不許將帶一斤一兩入城侵奪權糶課利如違犯者一兩已上至一斤買賣人各杖六十一斤已上至三斤買賣人各杖七十三斤已上至五斤買賣人各杖八十五斤已上至十斤買賣人各徒二年十斤已上不計多少買賣人各決脊杖二十處死所有犯鹽人隨行錢騾畜等並納入官所有元本家業莊田如是全家逃走者即行點納仍許搬載脚戶經過店主並御下人力等糾告等第支與

優給如知情不告與賣鹽人同罪其犯鹽人經過處地方門司廂界巡檢節級所由並諸色關連人等不專覺察委本州臨時斷訖報省如是門司關津口鋪捉獲私鹽即依下項等第支給一半賞錢十斤已上至五十斤支賞錢二十斤五十斤已上至一百斤支賞錢三十斤一百斤已上支賞錢五十斤應食末鹽地界州府縣鎮並有權糶場院久來內外禁法即未一槩條流應刮鹹煎鹽不計多少斤兩並處極法並許四鄰及諸色人等陳告等第支給賞錢欲指揮此後犯一兩已上至一斤買賣人等各杖六十一斤已上至二斤買賣人等各杖七十二斤已上至三斤買賣人各徒一年三斤已上至五斤買賣人各徒二年五斤已上買賣人各決脊杖處死如是收到鹹土鹽水即委本處煎煉鹽數準條科斷或有已曾違犯不至死刑經斷後公然不懼條法再犯者不計斤兩多

少所犯人並處極刑其權糶場院員僚節級人力煎鹹池客竈戶般鹽船綱押綱軍將衙官梢工等具知鹽法如有公然偷盜官鹽或將貨賣其買賣人及窩盤主人知情不告並依前項刮鹹例五斤已上處死其諸色關連人等並合支賞錢即準洛京邢鎮條流事例指揮顆末青白等鹽元不許界分參雜其顆鹽先許通商之時指揮不得將帶入末鹽地界如有違犯一斤一兩並處極法所有隨行物色除鹽外一半納官一半與捉事充賞其餘鹽色未有畫一條流其洛京並鎮定邢州管內多有北京末鹽入界捉獲並依洛京條流科斷欲指揮此後但是顆末青白諸色鹽侵界參雜捉獲並準洛京條流施行慶州青白權稅院元有透稅條流所有隨行驢物色一半祇與捉事人充賞其餘一半並鹽並納入官欲並且依舊一斗已上至三斗杖七十三斗已上至五斗徒一年五

斗已上處死安邑解縣兩池榷鹽院河中節度使兼判之時申到
畫一事件條流等準勅牒兩池所出鹽舊日若無文榜如擅將一
斤一兩準元勅條並處極法其犯鹽人應有錢物並與捉事人充
賞者竊以兩池禁棘峻阻不通人行四面各置場門弓射分擘鹽
池地分居住並在棘圍裡面更不別有差遣祇令巡護鹽池如此
後有人偷盜官鹽一斤一兩出池其犯鹽人並準元勅條流處分
應有隨行錢物並納入官具捉事人依下項定支授給若是巡檢
弓射池場門子自不專切巡察致有透漏到棘圍外被別人捉獲
及有糾告兼同行反告官中更不坐罪陳告人亦依捉事人支賞
應有知情偷盜官鹽之人亦依犯鹽人一例處斷其不知情關連
人臨時酌情定罪所有透漏地方弓射池場門子如是透漏出鹽
二十斤已下徒一年半一十斤已上至二十斤支賞錢十千二十

斤已上至五十斤支賞錢二十千五十斤已上至一百斤支賞錢
三十千一百斤已上支賞錢五十千前項所定奪到鹽法條流其
應屬州府捉獲抵犯之人便委本州府檢條流科斷訖申奏別報
省司具屬省院捉到犯鹽之人干死刑者即勘情罪犯由上候省
司指揮不至極刑者便委務司準條流決放訖申報從之

五代會要卷二十七

宋



王



溥

撰



鹽鐵雜條下

周廣順二年九月十八日勅條流禁私鹽麴法如後一諸色犯鹽麴所犯一斤已下至一兩杖八十配役五斤已下一斤已上徒三年配役五斤已上並決重杖一頓處死一應所犯鹽麴關津門司廂巡門如有透漏並行勘斷一刮釀煎煉私鹽所犯一斤已下徒三年配役一斤已上並決重杖一頓處死犯私鹽若捉到釀水祇煎成鹽秤盤定罪逐處允釀鹵之地所在官吏節級所由常須巡檢村坊鄰保遞相覺察若有所犯處彰露並行勘斷一所犯私鹽捉事告事人各支賞錢以係省錢充至死刑者賞五十千不及死刑者三十千一顆末鹽各有界分若將本地分鹽侵越疆界同諸



色犯鹽例科斷一鄉村人戶所請蠶鹽祇得將歸裏蠶供食不得別將轉易貨賣投託與人如違並同諸色犯鹽例科斷若是所請蠶鹽道路津濟須經過州府縣鎮委三司明行指揮一凡買鹽麩並須于官場務內買若裏私投託與販具買賣人並同諸色犯鹽麩例一諸官場官務如有羨餘出剩鹽麩並許盡底到官如裏私貨賣者買賣人並同諸色人犯鹽麩科斷若鹽鋪酒店戶及諸色人與場院裏私貨者並同罪斷一所犯私鹽麩有同情共犯者若是骨肉卑幼奴婢同犯祇罪家長主首如家長主首不知情祇罪造意者餘減等科斷若是他人同犯並同情科斷遣若與他人同犯據逐人脚下所犯斤兩依輕重斷遣一州縣城鎮郭下人戶係屋稅合請鹽者若是州府並於城內請給若是外縣鎮郭下人戶亦許將鹽歸家供食仰本縣預取逐戶合請鹽數目攢定文帳部

領人戶請給勒本處官吏及所在場務同點檢入城若縣鎮郭下人戶城外別有莊田亦仰本縣預前分擘開坐勿令一處分給供使一應諸道今後若捉獲犯私鹽麩人罪犯分明正該條法便仰斷遣訖奏若稍涉疑誤祇須申奏取裁

顯德二年八月二十四日宣頭節文改正鹽法如後一贍國軍堂場務邢洺州鹽務應有見塚貯鹽處並煎鹽場竈及應是鹽地並須四面修置牆塹如是地里遙遠難為修置牆塹即作塚籬為規隔內偷盜夾帶官鹽兼於塚籬外煎造鹽貨便仰收捉及許諸色人陳告所犯不計多少斤兩並決重杖一頓處死其經歷地方及門司節級人員並當量罪酌斷所有捉事告事人一兩至一斤賞錢二十斤一斤已上至十斤賞錢三十斤一十斤已上賞錢五十斤一應有不係官中煎鹽處鹽地並須標識委本州府差公幹職

員與巡鹽節級村保地主隣人同共巡檢若諸色偷刮鹽地便仰收捉及許人陳告若勘逐不虛捉事人每獲一人賞絹一十疋獲二人賞絹二十疋獲三人已上不計人數賞絹五十疋刮鹽煎鹽人並知情人所犯不計多少斤兩並決重杖一頓處死其刮鹽處地分並刮鹽人住處巡檢節級所由村保各徒二年令衆一月依舊勾當刮鹽處地主不切檢校徒二年令衆一月一顆鹽地分界內有人刮鹽煎煉貨鹽並依前法一今緣改價賣鹽慮有別界分鹽貨遞相侵犯及將鹽入城諸色犯鹽人令下三司依下項條流科斷其犯鹽人隨行物色給與本家其鹽沒入官所經歷地分節級人員並行勘斷一兩至一斤決脊杖五十令衆半月捉事告事人賞錢五千一斤已上至一十斤徒一年半令衆一月捉事告事人賞錢七千十斤已上不計多少徒二年配發軍務役一年捉事

告事人賞錢十千一諸州府人戶所請蠶鹽不得於鄉村衷私貨賣及信團頭脚戶縣司請鹽節級所由等剋折糶賣如有犯者依諸色犯鹽例科斷一如有人於河東界將鹽過來自家界內有人往彼興販鹽貨所犯者並處斬其犯鹽人隨行驢畜貨財並與捉事人充賞

漕運

後唐同光三年閏十一月吏部尚書李琪上疏曰臣伏思漢文帝時欲人務農及募人入粟得拜爵及贖罪景帝亦如之後漢安帝時水旱不足三公奏請富人入粟得封關內侯及公卿已下散官本朝乾元中亦曾如此今陛下縱不欲入粟授官願降明勅下諸道合差百姓轉般之物有能出力運官物到官者五百石已上白身授一初任州縣官有官者依資次遷授次選者便與放選千石

已上至萬石者不拘文武顯為賞酬免令方春農人流散此亦轉倉贍軍之一術也勅李琪所論召募轉倉斛斗與官行賞委租庸司下諸州府有應募者奏聞施行

長興二年五月三日勅應沿河轉般倉依北面轉運司船艘倉例每一石於數內與正銷破二升

四年三月三日三司奏洛河水運自洛口至京往來牽船下卸皆是水運牙官每人管定四十石今洛岸至倉口稍遠牙官運轉艱難近日例多逃走今欲於洛河北岸別鑿一灣引船直至倉門下卸其工欲於諸軍僦人內差借從之尋命捧聖衛指揮使朱洪實鑿開河灣至瞻國倉門周顯德二年正月上謂侍臣曰轉輸之物向來皆給斗耗自漢以來不與支破倉廩所納新物尚破省耗況水路所般豈無損失今後每石宜與耗一斗

四年四月詔疏下汴水一派北入于五丈河又東北達於濟自是齊魯之舟楫皆至京師

六年二月命侍衛馬軍指揮使韓令坤自京東疏下汴水入于蔡河侍衛步軍都指揮使袁彥浚五丈河以通漕運

倉

梁開平四年五月勅補開封府及河南河北倉吏非舊典也

後唐天成二年六月二十九日戶部奏先準天成元年五月十五日勅檢納夏秋苗子斛斗每斗祇納一斗官中納不收耗人戶送納之時如有使官布袋者每一布袋使百姓納錢八文內五文與擎布袋人餘三文即與倉司充吃食鋪襯紙筆盤纏若是人戶出布袋令祇納三文與倉司

長興二年閏五月三日勅諸道州府所納兩稅斛斗今後每斗上

納加耗二合準備倉司耗折具收到布袋錢仰官典同共繫署一分明上歷支緡

晉天福八年五月十五日三司奏天下今後諸倉請據人戶元納耗二升內一升依舊送納本色充備鼠雀耗折一升即令人戶送納價錢兩文足與元納錢八文足共一十文足充備倉夫斗袋人夫及諸色吃食紙筆鋪觀盤纏支費從之

周廣順元年正月勅節文具諸道州府倉場庫務宜令節度使刺史專切鈐轄掌納官吏一依省條指揮不得別納斗餘秤耗舊來所進羨餘物今後一切停罷

疏鑿利人

周顯德五年十一月以尚書司勳郎中何幼沖為關西渠堰使命於雍耀二州界疏涇水以溉田

閉糶

後唐同光三年閏十二月十九日勅今歲自春已來水滂為患物價騰湧人戶多於京西收糶斛斗近聞京西諸道州府逐道皆有稅錢遂不通行乃同閉糶宜令宣下京西諸道州府允斛斗不得輒有稅錢及經過水陸關防鎮縣妄有邀難

周廣順元年四月勅天灾流行分野代有苟或閉糶豈是愛人宜令沿淮渡口鎮浦不得止淮南人糶易

三年七月勅沿淮諸州點檢淮南人所糶量倉如是以驢騾為馱及負擔過即放過不得以舟車輦運過淮先是淮南大旱井泉涸竭太祖愍之命許博糶

至是聞吳人收糶入官以備軍倉詔止輦運過者

泉貨

後唐同光二年三月勅泉布之弊雜以鉛錫惟是江湖之外盜鑄

尤多市肆之間公行無畏因是綱商夾帶舟載往來換易好錢藏貯富室實為蠹弊須有條法宜令京城及諸道行市行使錢內點檢雜惡鉛錫並宜禁斷沿江州縣每有舟船到岸嚴加覺察若私載往來並宜收納

天成元年中書門下奏訪聞近日諸道州府所買賣銅器價貴多是銷鎔見錢以邀厚利勅宜便行曉告如原舊破損銅器及碎銅即許鑄造器物如生銅器物每斤價定二百熟銅器物每斤四百如違省價買賣之人依盜鑄錢律文科斷

其年十一月六日勅諸道州府約勒見錢素有條制若全禁斷實匪通規宜令遍指揮三司及諸道州府其諸城門所出見錢如五百已上不得放出如稍違犯即準舊條指揮其沿淮諸州縣鎮亦準元降勅命處分

其年十二月勅行使銅錢之內訪聞夾帶鐵鑼若不嚴設條法轉恐私家鑄造應中外所使銅錢內鐵鑼錢即宜毀棄不得輒有行用如違其所使錢不計多少並納入官仍科深罪

二年七月十二日度支奏三京鄴都並諸道州府市肆買賣所使見錢等每有條章每陌八十文近訪聞在京及諸道街坊市肆人戶不顧條章皆將短陌轉換長錢但恣欺罔殊無畏忌若不條約轉啓倖門請更嚴降指揮及榜示管界州府鎮縣軍人百姓商旅等凡有買賣並須使八十陌錢兼令巡司廂界節級所由點檢覽察如有無知之輩依前故違輒將短錢興販便仰收捉委逐州府枷項收禁勘責所犯人準條奉處斷訖申奏其錢盡底沒納入官奉勅宜依度支所奏

四年九月勅先條上三京諸道州府不得於市使錢內夾帶鉛鐵

錢雖已約束仍聞公然行使今後有人於錢陌內捉到一文至兩文所使錢不計多少納官所犯人準條流科罪

清泰二年十二月勅御史臺宜曉告中外不得使用鉛錢如違犯者準條法處分

晉天福三年三月勅歷代鑄錢濟時為寶久無監務已絕增添近來趨利之人違法甚衆銷鑄不已毀蠹日滋禁制未嚴奸弊莫止須行重法以息濫源宜令鹽鐵使禁止私下行造鑄寫銅器

其年十一月詔曰國家所資泉貨為重銷蠹則甚添鑄無聞爰降條章俾臻富庶宜令三京鄴都諸道州府無問公私應有銅者並許鑄錢仍以天福元寶為文左環讀之委鹽鐵司鑄樣頒下諸道令每一錢重二銖四參十錢重一兩或慮諸色人接便將鉛鐵鑄造雜亂銅錢仍令三京鄴都諸道州府依舊禁斷尚慮逐處銅數

不多宜令諸道應有久廢銅冶處許百姓取便開鍊永遠為主官中不取課利其有生熟銅仍許所在中賣入官或任自鑄錢行用其餘許鑄外不得輒便雜鑄銅器如有違犯者並準三年三月勅條處分

其年十二月勅先許鑄錢仍每一錢重二銖四參十錢重一兩切慮逐處缺銅難依先定銖兩宜令天下無問公私應有銅處有鑄錢者一任取便酌量輕重鑄造因茲不得入鉛並鐵及缺漏不堪久遠流行仍委鹽鐵使明行曉示餘準元勅指揮仍付所司

四年七月勅先令天下州府公私鑄錢近聞以鉛錫相參缺薄小弱有違條制不可久行今後祇官鑄錢私下禁舊法

周廣順元年三月二十八日勅銅法今官中更不禁斷一任興販所有錢一色即不得銷錢為銅器貨賣如有犯者有人糾告捉獲

所犯人不計多少斤兩並處死其地分所由節級徒一年鄰保人杖七十其告事人給與賞錢一百貫

顯德二年九月一日勅國家之利泉貨為先近朝已來久絕鑄造至於私下不禁銷鑿歲月漸深奸弊尤甚今採銅興冶立監鑄錢冀使公私宜行條制起今後除朝廷法物軍器官物及鏡並寺觀內磬鐘鈸相輪火鉢鈴鐸外其餘銅器一切禁斷應兩京諸道州府銅象器物諸色裝較所用銅限勅到五十日內並須毀廢送官其私下所納到銅據斤兩給付價錢如出限有隱藏及埋窖使用者一兩至一斤所犯人及知情人徒二年所由節級四鄰杖七十捉事告事人賞錢十貫一斤至五斤所犯及知情人各徒三年所由節級四鄰杖九十捉事告事人賞錢二十貫五斤已上不計多少所犯人處死知情人徒二年配役一年所由節級四鄰杖一百

捉事告事人賞錢三十貫其人戶若納到熟銅每斤官中給錢一百五十生銅每斤一百具銅鏡令官中鑄造於東京置場貨賣許人收買於諸處興販其朝廷及諸州見管法物軍器官物舊用銅製造並裝飾者候經使用破壞即時改造仍今後不得更使銅內有合使銅者奏取進止

四年二月十一日宣命指揮限外有人將銅器及銅於官場貨賣支給價錢如是隱藏及使用者並準元勅科斷具熟銅每斤添及二百生銅每斤添及一百五十收買所有諸處山場野務採鍊淘沙到舊例銅每二十兩為一斤今特與十六兩為一斤給錢一百三十收買兼知高麗多有銅貨仍許青登萊州人戶興販如有將來中賣入官者便仰給錢收買即不得私下買賣

諸色料錢上

梁開平三年正月詔曰祿俸所以養賢而勵奉公也朕今肇建諸色已畢郊禋職貢至多費用差少其百官俸料委在藏庫依例全給

後唐同光三年二月十九日祖庸院奏新定四京及諸道副使判官已下俸料請降勅各下逐處支遣兼除所置副使判官掌書記推官外如本處更妄稱簡署官員即勅本道節度使自備請給不得正破係省錢物諸道藩鎮請祇置節度副使節度觀察判官掌書記推官共五員節度副使料錢每月四十千依除實數錢厨料米一石麪二石內價錢三千蒿六十束柴三十束春服絹一十五疋冬服絹一十五疋絁三十兩私馬二匹草料節度觀察判官料錢每月三十千依除實錢厨料米六斗麪一石六斗內價錢二千蒿四十束柴二十束春服絹一十二疋冬服絹一十二疋絁二十

五兩私馬一匹草料節度掌書記料錢每月二十五千依除實錢厨料米六斗麪一石二斗內價錢一千五百蒿三十束柴一十五束春服絹一十疋冬服絹一十疋絁二十兩私馬一匹草料節度推官料錢每月一十五千依除實錢厨料米六斗麪一石二斗內價錢一千五百蒿三十束柴一十五束春服絹一十疋冬服絹一十疋絁二十兩私馬一匹草料留守兼判六軍請置副使判官推官三員副使依節度副使例判官依觀察判官例推官依諸道推官例留守不判六軍請置判官推官二員判官依節度觀察判官例推官依諸道推官例四京府請祇置推官一員如已有判官即不置推官其請受準留守推官例其料錢準百官例折支所有厨料時服等即給本色石奉勅宜令諸道節鎮依舊更置觀察支使一員其俸料春冬衣賜仍準掌書記例支遣餘依祖庸院所奏

料錢逐月三十千貫赤縣令每月正受支料錢二十五千貫考滿
並攝比正官支一半主簿每月正受支料錢一十二千貫考滿並
攝比正官支一半畿縣令每月正受支料錢二十千貫考滿並攝
比正官支一半主簿每月支料錢一十千貫考滿並攝比正官支
一半司錄參軍每月正受支料錢一十三千貫考滿並差攝比正
官支一半諸曹判司官每月正受支料錢一十二千貫考滿並差
攝比正官支一半文學每月正受支料錢五千貫考滿並差攝比
正官支一半參軍每月正受支料錢五千貫考滿並差攝比正官
支一半諸州府錄事參軍各依逐州上縣令支州判司各依逐州
上縣主簿支一萬戶已上縣令每月正受支料錢二十三千貫考
滿並差攝比正官支一半主簿每月正受支料錢一十三千五百
貫考滿並差攝比正官支一半九千戶已上縣令每月正受支料

錢二十二千貫考滿並差攝比正官支一半主簿每月正受支料
錢一十二千貫考滿並差攝比正官支一半八千戶已上縣令每
月正受支二十一千貫考滿並差攝比正官支一半主簿每月正
受支一十一千貫考滿並差攝比正官支一半七千戶已上縣令
每月正受支二十千貫考滿並差攝比正官支一半主簿每月正
受支一十一千貫考滿並差攝比正官支一半六千戶已上縣令
每月正受支一十九千貫考滿並差攝比正官支一半主簿每月
正受支一十千五百貫考滿並差攝比正官支一半五千戶已上
縣令每月正受支一十八千貫考滿並差攝比正官支一半主簿
每月正受支一十千貫考滿並差攝比正官支一半四千戶已上
縣令每月正受支一十七千貫考滿並差攝比正官支一半主簿
每月正受支九千五百貫考滿並差攝比正官支一半三千戶已

上縣令每月正受支一十六千貫考滿並差攝比正官支一半主簿每月正受支九千貫考滿並差攝比正官支一半二千五百戶已上縣令每月正受支一十五千貫考滿並差攝比正官支一半主簿每月正受支八千五百貫考滿並差攝比正官支一半二千戶已上縣令每月正受支一十四千貫考滿並差攝比正官支一半一千五百戶已上縣令每月正受支一十三千貫考滿並差攝比正官支一半一千戶已上縣令每月正受支一十二千貫考滿並差攝比正官支一半主簿每月正受支七千貫考滿並差攝比正官支一半五百戶已上縣令每月正受支一十一千貫考滿並差攝比正官支一半主簿每月正受支六千五百貫考滿並差攝比正官支一半

五百戶已下縣令每月正受支一十千貫考滿並差攝比正官支一半主簿每月正受支六千貫考滿並差攝比正官支一半右租庸使奏定料錢則例如前如諸道舊有取田處今後不得占留開破並依百姓例輸稅奉勅宜依

長興二年閏五月起居郎曹琛奏文武兩班或請假歸寧或卧病未頓才注班簿便住料錢伏乞特降勅命者勅今後文武官請準歸寧假給及病疾者並許支給本官料錢

其月二十四日勅諸道行軍司馬副使判官已下賓僚等考滿未得替人宜令並全支俸料元不在省司給俸者不在此例

清泰元年七月勅洋王從瑋淫王從敏每月各給料錢一百千米麥各五十石僦人衣糧各五十分馬十五匹草粟

二王自方鎮入朝留洛陽私第

故有是給賜

二年十月將作監丞襲封介國公宇文頡奏蒙恩襲封除官無襲爵俸給詔特給本官俸

晉天福六年二月勅諸衛上將軍逐月加俸錢二萬

漢乾祐三年七月十六日勅節文諸道州府令錄判官主簿宜令等第支與俸戶逐戶每月納錢五百與除二稅外免放諸雜差遣不得更種職田所定俸戶於中等無色役人戶內置不得差令當直及赴衙參如有闕額及不逮明申州府差填不得束私替換若是令錄判司主簿除本分人數外剩占俸戶及令當直手力更納料錢並許百姓陳告其陳告人與免戶下諸雜差徭所犯人追毀告身更加力役如令佐錄事參軍內有員闕州府差攝亦依例支與俸錢差攝曹官不得一例供破定例如後三千戶已上縣令逐月一十二千主簿六千二千戶已上至三千戶已下縣令九千主

簿五千一千戶已下縣令六千主簿四千錄事參軍判司依本部內戶口取最多縣分例支破具錄事參軍依縣令例判司依主簿例

周廣順元年四月勅牧守之任委遇非輕分憂之務既同制祿之數宜等自前有富庶之郡請給則優或邊遠之州俸料數薄以至遷除之際擬議亦難既論資序之高卑又患祿秩之升降宜分多益寡均利同恩冀無黨偏以勸勳故今重定則例諸州防禦使料錢二百千祿米百石食鹽五石馬十匹草粟元隨三十人衣糧團練使料錢一百五十千祿粟七十石食鹽五石馬十匹草粟元隨三十人衣糧刺史料錢一百千祿粟五十石食鹽五石馬五匹草料元隨二十人衣糧仍取今年五月一日後到任者依前定例支其已前在任者所請如故

顯德五年十二月中書奏諸道州府縣官及軍事判官一例逐月各據逐處主戶等第依下項則例所定料錢及米麥等取顯德六年三月一日後起支其俸戶並停廢一萬戶已上縣令逐月料錢二十千米麥共五石主簿料錢一十二千米麥共三石七千戶已上縣令逐月料錢一十八千米麥共五石主簿料錢一十千米麥共三石五千戶已上縣令逐月料錢一十五千米麥共四石主簿料錢八千米麥共三石三千戶已上縣令逐月料錢一十二千米麥共四石主簿料錢七千米麥共三石不滿三千戶縣令逐月料錢一十千米麥共三石主簿料錢六千米麥共二石五萬戶已上州司錄事參軍及兩京司錄每月料錢二十千米麥共五石司戶司法每月料錢一十千米麥共三石三萬戶已上州司錄事參軍每月料錢一十八千米麥共五石司戶司法每月料錢八千米麥

共三石一萬戶已上州司錄事參軍每月料錢一十五千米麥共四石司戶司法每月料錢七千米麥共三石五千戶已上州司錄事參軍每月料錢一十二千米麥共四石司戶司法每月料錢六千米麥共二石不滿五千戶州司錄事參軍每月料錢一十千米麥共三石司戶司法每月料錢五千米麥共二石諸司軍事判官一例每月料錢一十千米麥共三石右諸州府京百司內諸司州縣官課戶莊戶俸戶柴炭紙筆戶等望令本州及檢田使臣依前項指揮勒歸州縣候施行畢具戶數奏聞仍差本州判官精細點數後差使臣覆視及有人論訴稱有漏落抵罪在本州判官及干係官典如今後更有人戶願充此等戶者便仰本州勒充軍戶配本州牢城執役從之

六年十二月詔諸道州府攝官起今後支給本所諸官俸錢之半

迴鶻

迴鶻本牙在天德西北娑陵水上距長安六千九百里唐天寶中安祿山犯關有助國討賊之功累朝尚主自號天驕會昌初其國為黠戛斯所侵部族擾亂乃移帳至天德振武間又為石雄劉沔所襲破之復為幽州節度使張仲武所攻餘衆西奔歸於吐蕃吐蕃處之甘州其後時通中國世以中國為舅朝廷每賜書詔亦嘗以甥呼之

梁乾化元年十一月遣都督周易言等入朝進貢太祖御朝元殿引對以易言為右監門衛大將軍同正弟略麥之石論思並為左千牛衛將軍同正李屋珠安鹽山並為右千牛衛將軍同正仍以左監門衛上將軍楊治薛五代史注此作湯沼為左驍衛上將軍充押領迴鶻還番使通事舍人仇元通為判官厚賜繒帛押領歸國又賜其

入朝僧凝盧宜李思宜延錢等紫衣

後唐同光二年四月其本國權知可汗仁美遣都督李引釋迦副使田鐵林都監楊福安等共六十六人來貢方物並獻善馬九匹莊宗召對於文明殿乃命司農卿鄭質薛五代史作鄭績將作少監何延嗣持節冊仁美為英義可汗至其年十一月仁美卒其弟狄銀嗣立遣都督安干等來朝貢狄銀卒呵咄欲立亦遣使來貢名馬天成三年二月其權知可汗仁裕遣都督李阿山等一百二十人入貢明宗召對於崇元殿賜物有差其年三月命使冊仁裕為順化可汗四年又遣都督掣撥等五人來朝貢授掣撥等懷化司戈遣令還

長興元年十二月遣使翟來思薛五代史作翟未思三十餘人進馬八十匹玉一團四年七月復遣都督李末等三十人入朝進白鶻一聯明

宗復召對於廣壽殿厚加錫賚仍命解放其鵲

清泰二年七月遣都督陳福海已下七十人進馬三百六十匹玉
二十圍至八月勅迴鵲朝貢使密錄都陳福海可懷化郎將副使
達奚相温可懷化司階監使屈密錄阿撥可歸德司戈判官安均
可懷化司戈

晉天福三年十月遣使都督李萬全等朝貢以萬全為歸義大將
軍監使雷福德為順化將軍

四年三月又遣都督拔里敦來朝兼貢方物其月命衛尉卿邢德
昭持節就冊為奉化可汗貢良馬百匹白玉圍白玉鞍轡等謝其
封冊

漢乾祐元年五月遣使李屋等入朝貢方物並白玉藥物等七月
以入朝使李屋為歸德大將軍副使安鐵山監使朱相温薛五代史作末

相並為歸德將軍判官翟毛歌為懷化將軍

周廣順元年二月遣使並摩尼貢玉圍七十七白氍毹牛尾藥
物等先是晉漢已來迴鵲每至京師禁民以私市易其所有寶貨
皆鬻之入官民間市易者罪之至是太祖命除去舊法每迴鵲來
者聽私下交易官中更不禁詰由是王之價直十損七八
顯德六年二月又遣使朝貢獻玉並礪砂等物皆不納所入馬量
給價錢時上以玉雖寶珍無益國用故因而却之

吐渾

吐渾本吐谷渾也唐咸通中酋長有赫連鐸者從太原節度使康
承訓平徐方有功朝廷授振武節度使復盜據雲中後唐太祖逐
之乃歸幽州李匡儔其部族散居蔚州界立為酋長其民不常有
白承福者自同光初代為都督依中山地石門為柵莊宗賜其額

為寧朔奉化兩府以都督為節度使仍賜承福姓李名紹魯其畜
牧就善水草丁壯常數千人羊馬生息入市中土朝廷常存恤之
後唐天成三年二月其都督李紹魯等遣使進馬一百二十匹明
宗嘉之賜紹魯竭忠建策興復功臣金紫光祿大夫檢校太保至
四年八月其首領念公山來朝貢

其年十月別部首領薛冀堆進狀乞授嵐州刺史明宗在藩時常
與冀堆有舊欲許之樞密使安重誨力諫乃止長興元年三月竟
以冀堆為嵐州刺史仍賜名萬通

清泰三年二月以寧朔奉化兩府留後白可久超授檢校司徒副
使赫連海龍檢校尚書左僕射兩府大夫李鐵匱檢校尚書右僕
射

晉天福元年高祖以契丹有助立之功割雁門以北及幽州之地

以賂之由是吐渾部族皆隸於契丹其後苦契丹之虐政部族皆
怨之復為鎮州節度使安重榮所誘乃背契丹率車帳羊馬取五
臺路歸國契丹大怒以朝廷招納叛亡遣使責謂六年正月晉高
祖命供奉官張澄率兵二千搜索并鎮忻代四州山谷中吐渾還
其舊地然亦以契丹誅求無厭心不平之命漢高祖出鎮太原潛
加撫慰其年五月其大首領白承福及麾下念虎里赫連功德等
來朝九月又遣首領白可久來朝少主嗣位絕契丹之好數召其
酋長入朝厚加錫宴每大讌會皆命列坐於勳臣之次至開運中
捍虜於澶州召承福等率其部衆從行屬歲多暑熱部下多死復
遣歸太原移帳於嵐石州界然承福馭下無法多干軍令其族子
白可久名在承福之亞因牧馬率本帳北遁契丹授以官爵復遣
潛誘承福承福亦思叛去事未果漢祖知之乃以兵環其部族擒

承福族與白鐵櫃赫連海龍等五家凡四百餘人伏誅藉其牛馬命別部長王義宗統其餘屬

奚

奚本匈奴別種即東胡之地人物風族與突厥同族有五姓一曰阿薈部管縣六二曰吸米部管縣四三曰粵質部管縣六四曰奴皆部管縣四五曰黑訖支部管縣三每部有刺史每縣有令酋長號奚王唐制兼饒樂府都督居陰涼川東去營府五百里南去幽州九百里幽州置饒樂府長史一人以監之人馬約二萬後徙居琵琶川在幽州東北數百里出古北口地宜羊馬羊則純黑馬則前蹄堅善走以馳獵為務逐獸高山自下而上其勢若飛語與契丹小異爨以平底瓦鼎煮糲為粥既飪以寒水解之而食每春借邊民之荒田種糲秋熟乃來持穫畢則窖於山下人莫知其處所

以木為碓斷椽為臼所受不過一斗自天祐初契丹兵力漸盛室韋奚霫皆受制焉故奚之部族為契丹代守邊土暨契丹虐其首領去諸怨之以別部內附徙於媯州依北山而居漸至數千帳故有東西奚之號去諸卒其子掃刺代立後唐莊宗破幽州賜掃刺姓李名紹威

後唐同光元年十二月遣使朝貢三年九月以莊宗誕節至遣使表貢方物

天成四年掃刺因剪爪傷乃卒其子素姑代立

按歐史掃刺卒子拽刺立無素姑名

亦時遣使入朝

清泰三年七月其首領達刺干遣通介老奏其主素姑謀叛欲附契丹已處置訖權知部落廢帝降詔以撫慰之

晉天福元年高祖以契丹有助立之功割雁門以北及幽州之地

以賂之由是奚之部族復隸於契丹自後常為契丹之所役屬開
運三年十二月契丹犯闕其王拽刺以所部兵屯於洛陽及契丹
歸隨衆北遁

五代會要卷二十九

契丹

宋

王

溥

撰



契丹本鮮卑之種也居遼澤之中潢水之南遼澤去榆關一千一
百二十里榆關去幽州七百一十四里其地東南接海東際遼河
西北包冷陁北界松陁山川東西三千里地多松柳澤饒蒲葦其
族本姓大賀氏後分為八部一曰旦皆利部二曰乙室活部三曰
實活部四曰衲尾部五曰頻没部六曰內會難部七曰集解部八
曰奚嗚部管縣四十一每部有刺史每縣有令酋長號契丹王唐
制兼松漠府都督幽州置松漠府長史一人監之其後諸姓不常
唐會昌中幽州節度使張仲武表其王屈戌請賜印篆為奉國契
丹之印具八族長皆號曰大人稱刺史內推一人為王建旗鼓以



尊之每三年第其名以代之唐末有邪律安巴堅者作阿保機恃強好勇不受諸部之代吞侵鄰部兵力漸盛嘗與後唐太祖會盟於雲中結為兄弟其後僭稱帝號以妻舒嚕氏為皇后燕人韓延徽為宰相法令嚴明諸部皆畏伏之

梁開平元年四月遣其首領博果勒美楞等來貢方物至二年二月具主安巴堅又遣使來貢良馬五月又遣使齊勒貢細馬十匹金花鞍轡貂鼠皮裘冠並男口一年十歲名曰蘓女口一年十一歲名曰譬其妻舒嚕氏貢朝霞錦前國王欽德並其大臣皆有貢獻太祖命司農卿渾持右千牛衛將軍郎公遠充使就本國宣諭三年閏八月又遣首領葛祿來貢方物太祖御文明殿召嘎嚕等五十人張讌賜金帛有差至五年四月又遣使什哩美楞來朝貢後唐同光二年三月安巴堅率所部入寇新城其年七月又率兵

東攻渤海國至九月為鄰部室韋女真迴鶻所侵十二月又入寇嵐州三年二月復入寇幽州為王師所敗俘其首領果達木等其年五月又遣使伊壘等來貢方物

四年正月安巴堅復寇渤海國又遣美楞錫哩色下三十七人貢馬三十匹詐修和好

天成元年九月攻渤海國扶餘城下之命其長子托雲舊作為國突欲主號東丹王其月二十七日安巴堅得疾而殂第二子元帥太子德光嗣立德光本名曠屈之慕中國之名故改為德光初安巴堅有三子長號人皇王次號元帥太子次曰安端少君及安巴堅死其妻舒嚕氏令第二子元帥太子德光勾當兵馬令少子安端少君往渤海國代托雲將立為嗣而元帥太子素為部族所敬又其母舒嚕氏亦常鍾愛故因而立之紀年天顯元年尋葬安巴堅於

西樓

地名

上謚大聖皇帝其年十月遣使沙古柰來告哀明宗輟其月十九日朝參以禮之其月其平州守將領幽州節度使盧文進率戶口兵馬車帳來降至二年十一月又遣使美梅等二十餘人朝貢兼申和好之意明宗命飛勝指揮使安念德齎錦綺綾羅及金花銀器寶裝酒器等遺之又遺其母舒嚕氏繡被一張並寶裝瓔珞至三年正月復入寇陷平州而去至其年五月定州節度使王都叛命潛相連構其主德光遣首領圖奈率雜虜數千騎入定州七月又遣首領特哩袞等率七十餘騎來援尋為行營招討使王晏球等逆戰破之勦戮甚眾餘黨復為幽州節度使趙德鈞襲殺獲殆盡擒其首領特哩袞等其月王晏球又獲契丹絹書二封來進明宗命宣示羣臣莫有識其文字者契丹本無文記唯刻木為信漢人陷番者以隸書之半就加增減撰為胡書同光之後

稍稍有之其年八月幽州部送所獲番將特哩袞已下六百餘人至京師明宗皆赦之選其尤壯健者立為契丹直其首領皆賜姓吉時言事者以為契丹悻戾不可置於君側俄而有首領吉趙實自京遁歸奪船過河至深州捕獲斬之至其年閏八月其平州刺史張希崇來降四年三月定州行營招討使王晏球擒圖奈等二十餘人獻於闕下悉命戮之

長興元年十一月契丹渤海東丹王托雲率番官四十餘人馬百匹自登州泛海內附明宗御文明殿召對及其部曲慰勞久之賜以衣冠金玉帶鞍馬錦綵器物等托雲進本國印三面宣示宰臣其年十二月中書門下奏契丹國東丹王托雲遠泛滄溟來歸皇化請賜姓名仍準番官入朝例安排謹按四夷入朝番官有懷德懷化歸德歸化等將軍中郎將名號又本朝賜新羅渤海兩番國

官初自檢校司空至太保今托雲是安巴堅之子請比新羅渤海
王例施行勅渤海國王人皇王托雲契丹先收渤海國改為東丹
其托雲宜賜姓東丹名慕華授光祿大夫檢校太保安東都護兼
御史大夫上柱國渤海郡開國公食邑一千五百戶充懷化軍節
度瑞慎等州觀察處置押番落等使二年九月復姓李名贊華三
年五月授滑州節度使為廢
帝所至二年其契丹王母舒嚕氏以其子托雲歸國遣使朝貢明
宗深慰納之至三年三月禮賓使梁進德自契丹報聘迴稱其王
請放咱喇錫哩還本國咱喇亦定州
所獲番將也又謂去年十二月十二日其
王帳前有大星晝頃聲若雷震其月又遣使特格喇克察進馬三
十匹亦以放咱喇歸國故也五月特格喇克察迴明宗欲放咱喇
等令歸大臣爭之未決會幽州節度使趙德鈞上表論奏及易州
刺史楊檀皆言不可遣其事乃止仍遣咱古錫里隨其使歸不欲

全阻其請也其年七月又遣使都督舒嚕進馬三十匹

清泰三年五月晉高祖起義於太原九月官軍集於城下晉乃間
道發使召德光為援是月德光率部落五萬餘騎至太原城下尋
敗招討使張敬德楊光遠之兵降晉安大砮

晉天福元年十一月高祖踐位以德光有援助之力歃血為盟結
為父子仍約歲輸絹十三萬疋割雁門已北及幽州所屬縣並隸
番界德光又率兵逐高祖於潞州繫幽州節度使趙德鈞並其子
樞密使趙延壽而迴三年二月德光遣使子濟勒錫里美楞來聘
三年十月又遣使來上尊號曰英武明義晉祖繼命宰臣馮道趙
瑩劉煦等齎貨珍幣歲時進貢不絕德光亦遣名王已下來至六
年六月節度使安重榮執契丹使伊喇等以輕騎掠幽州之南界
高祖累遣中使齎詔開諭以契丹有助立之功不欲負其宿約而

重榮奸險肆志竟誅伊喇等馳檄天下言契丹罪惡與襄州節度使安從進連謀不軌高祖命杜重威率兵討之至貝州宗城縣相遇重榮之衆大敗至七年正月二日收復鎮州斬重榮首漆之送於契丹至其年四月高祖不豫少帝嗣立五月遣使朗布來致弔兼獻衣服鞍馬等至十月又遣使大卿已下二十六人來聘以高祖山陵有日致祭故也至九年正月德光遣趙延壽趙延昭等率兵五萬入寇貝州少帝發兵屯守澶州初青州節度使楊光遠構逆謀乃繕治城隍蓄聚芻粟為跋扈之計屬歲不稔餓殍相繼朝廷以廩帑虛竭軍用不給仍發使郡縣括借民家資財斛斗海內嗷嗷不堪其命光遠遂以重利誘德光入寇又以趙延壽等皆中原人士常有思歸之意計羣凶盜國晉祚不濟則天福在己其月德光自河間率諸部兵入犯甘陵陷之巡檢使吳巒投井而死河

北大擾少帝駐蹕澶州命宋州節度使高行周等將兵以禦之三月德光自領番兵十餘萬來攻戚城官軍拒之而退又以趙延壽行魏博節度使改封魏王以延壽門人高融為節度副使統步兵及燕軍數萬營於南康四月又陷德州博州其年十二月德光又率衆南下攻圍鎮州諸邑皆陷之

開運二年二月前鋒至邢州鎮州節度使杜重威差人間道告急少帝欲親率大軍渡河決戰乃命鄆州節度使張從恩等將兵合諸將之師屯於邢州時德光之衆已及魏府建牙於元氏從恩等引軍而退其月又陷祁州刺史沈斌死之至三月德光退杜重威等率兵攻契丹之秦州下之迴及易州為德光精騎所圍諸將等決力死戰德光大敗至三年八月契丹所部瀛州刺史偽言納款少帝復命杜重威等率大軍迎降至十一月迴及鎮州之東垣度

與番相遇十二月六日遣前鋒奪橋為番軍所敗其月十日杜重威等以軍降於德光命相州節度使張彥澤率漢騎二千先入京城至明年正月一日德光自將大軍至京北百察素服班於野次蒲伏請罪皆命釋之尋降授少帝檢校太尉負義侯令挈其族及將相近臣等於契丹黃龍府安置二月德光降赦文改國號大遼稱會同十年升鎮州為中京以燕王趙延壽為大丞相中京留守三月德光自京率衆北歸至四月十八日殂於樂城其年五月宣遺制以永康王烏雲襲其尊位永康王者東丹王托雲之長子烏雲一作自以猶子不當嗣位且不奉祖母之命其諸部首領素畏舒嚕氏之酷法復以安巴堅死於渤海國被殺者百人今德光沒于漢地慮必獲罪如前同謀以其月二十一日領部族歸國舒嚕氏歸於石橋地名其衆悉降於烏雲命送舒嚕氏於安巴堅明殿

以幽之安巴堅陵寢乃改會同十年為天祿元年自稱天授皇帝漢乾祐三年十一月烏雲率騎數萬南寇邢州之內邱縣深州之饒陽縣

周廣順元年正月太祖命左千牛衛將軍朱憲往修和好烏雲亦遣使雅古吉報命獻良馬四匹太祖復命尚書左丞田敏供奉官蔣光遠銜命往聘至其年四月敏等迴烏雲遣使什哩獻碧玉金鍍銀裹鞍轡並馬四十匹其月太祖又命左金吾將軍姚漢英右神武將軍華光喬往使至其年九月烏雲為部下太寧王偉王子燕王碩岳所殺舒嚕德光之子勒所部誅太寧王碩岳舒嚕自立號天順皇帝改名璟稱應歷元年

顯德元年春太原劉崇將圖南寇舒嚕使番將楊衮率朔騎萬餘以助之三月世宗親征與崇戰於潞州高平縣之南原崇軍大敗

番眾棄甲而遁二年三月命許州節度使王彥超等築壘於李晏口與番兵數千騎戰於安平縣之南敗之

党項羌

党項羌古析枝之地漢西羌之別種其地東至松州南接春桑述桑諸羌北連吐谷渾處山谷間亘三千餘里種有數姓自為部落一姓之中復分為小部落有細封氏費聽氏析利氏歐史作折氏野辭氏歐史作野利氏房當氏米禽氏此二氏歐史無拓拔氏最為強族俗皆土著居有棟宇織毛罽以覆之其人多壽或至百五六十歲不事生業好為盜竊前世或來朝貢自唐寶應貞元之後皆率部族內附居慶州號東山部落居夏州號平夏部落會昌初命三使以統之在寧界者命侍御史崔彥卿主之在夏州者命侍御史李霄主之在靈武麟勝州者命侍御史鄭賀主之後唐同光二年二月遣使朝貢十二月其首領簿備香來貢良馬

天成二年九月河西羌項如連山等來朝貢進馬四十四匹

四年四月勅沿邊置場買馬不許蕃部至闕下自上御極已來党項之衆競赴都下賣馬常賜食於禁廷醉則連袂歌其土風凡將到馬無駕良並云上進國家雖約其價直以給之然計其館給賜賚每年不下五六十萬貫大臣以為耗蠹中原無甚於此因降勅止之雖有是命竟不能行

其年九月首領折遇明等來貢方物十月首領來有行來朝進馬四十四匹上御中興殿閱所進馬樞密使安重誨奏曰吐渾党項近日相次進馬皆給價直對見之時別賜繪帛計其所費不啻倍價請止之上以為國家常苦馬不足每差綱收市今番馬自來何費之有外番朝貢中國錫賜朝廷常事不可以止自是番部羊馬不絕於路

長興元年正月其首領來朝貢授萬德懷化都督簿備撒羅懷化司戈

其年十二月以党項折家族五顛都知兵馬使折之正為檢校尚書右僕射簿備家族都督簿備撒羅檢校工部尚書

二年正月首領折七移等進馳馬其年十二月又遣首領來獻所奪得契丹旗號並馬等

三年正月以西路党項部族劫掠使臣及外域進奉命邠州節度使藥彥稠靈武節度使康福等率步騎七千往方渠顛已來討其叛命者其年二月行營邠州節度使藥彥稠等奏誅党項阿埋三族韋悉裊勒疆賴埋廝骨尾屈悉保等十七族七百餘人又率兵自牛兜族入白魚谷追及背叛党項白馬慮家六族客戶三族獲大首領連香八薩王都統悉邨埋摩侍御乞埋嵬悉逋等六人兼

黨類二千餘人獲持馬牛羊數千計至晚師還野次其地無水軍士方渴俄有風雲自東而起是夜初更降雪一尺軍中以為神助上令告捷使史萬山宣諭軍中所獲牛羊等物各令士卒自取勿得收斂以進奉為名

周廣順二年六月以府州党項泥也六族防禦使歸化將軍泥香王子又泥也大首領拓拔山並為歸德將軍

三年二月慶州刺史郭彥欽奏党項野雞族掠奪商旅請出兵討之時彥欽黷貨嗜其利以州地野雞族多羊馬作法擾之番情獷悍屢不從順乃誣奏之太祖遣中使齎詔撫安部族既苦彥欽虐政不時報命遂詔邠州節度使折從阮合寧州刺史張建武兵進討之建武勇于立功徑趨野雞族追擊殺數十百人有喜王族折思族殺牛族彼無猜貳聞官軍討伐竟來餉餽官軍利其財貨皆

劫掠之諸族乃相聚官軍至色山負險之地逆戰敗之投崖谷死者甚衆折從阮保兵而退太祖怒彥欽勒歸私第左遷建武為率府率命前解州刺史鄭元昭為慶州刺史以招撫之

于闐

于闐在京師西九千九百餘里西南帶葱嶺與婆羅門接相去三千里餘南與吐番接西北至疎勒國二千餘里國城之東有白玉河西有綠玉河次西有烏玉河其源同出於崑岡山去于闐西一千三百餘里每歲至七八月小水之後取玉於河謂之撈玉官取之後方許私取禁令甚嚴地多蒲萄醞而為酒味極醇美其俗好事祆神唐正觀中其王伏闐信來朝復遣子入宿衛其後亦時來朝貢

晉天福三年九月其王李聖文

歐史作李聖天遣使馬繼榮進白玉白氈

犛牛尾紅鹽鬱金硃砂大鵬砂玉裝鞦轡等物其年十月冊聖文為大寶于闐國王命供奉官張匡鄴為國信使仍授入朝使馬繼榮為鎮國大將軍扶風郡開國公食邑二千戶副使黃門將軍國張載通試衛尉卿殿頭承旨通事舍人吳順規試將作少監漢乾祐元年五月復遣使朝貢六月以入朝使王知鐸為檢校司空副使張文達判官秦元寶為檢校左右僕射監使劉行立檢校兵部尚書

突厥

突厥之始前書載之備矣自號可汗猶古之單于妻號可賀敦猶古之闕氏也子弟謂之特勒別部領兵者皆謂之設其大官屈律啜次阿婆次頡利法次吐屯次俟斤並代居其官而無員數父兄死則子弟襲其位非番之中最為強盛至唐室末為諸番所侵部

族微弱亦嘗來朝貢
後唐天成二年正月其首領張慕晉朝貢
長興二年正月其首領杜阿熱來朝貢
晉天福六年七月其首領遣使薛同海已下一十七人來朝貢



五代會要卷三十



王



溥



吐番

吐番在長安西八千里本漢西羌之地其種落莫知所出或云南涼秃髮利鹿孤之後其子孫以秃髮為國號語訛謂之吐番國人號其王為贊普置大論小論以統理國事無文紀刻木為約其國王與臣下一年一小盟三年一大盟其俗隨畜牧不常其居然亦有城郭都城號邏些城屋皆平頭貴人處於大毡帳謂之排盧不知節候以麥熟為歲首唐貞觀中常來朝貢自後吞併諸番兵力日盛屢為邊患河西隴右之地悉為所取至大中初其國亂朝廷復得六關之地至唐室末又為侵據
唐分天下為十道河西隴右三州涼州最為大鎮土
地沃壤人物繁富開元天寶中置八監牧馬三十萬雜畜稱是其西復置安西都護府距長安八千里瀟廩西番三十國軍鎮監務

大小三百餘戍守之兵皆取涼州節度及安祿山犯關肅宗在靈武盡召西河戍卒收復兩京吐番乘虛遂取涼隴華人百萬陷於吐番開成之際朝廷遣使過涼肅州沙城邑如故再世雖語使旌節夾道泣訴問皇帝還念陷番生靈否當時已經再世雖語言小訛而衣服未改至今涼州漢戶猶稱上代是鄆州戍卒每帥守則請命於朝廷

梁開平二年正月遣使朝貢二月以吐番入朝使温未首領社論悉伽社論心為左領軍衛將軍同正温未首領社論

將軍同正
乾化元年十一月又遣使來朝召對於朝元殿賜金帛等遣之
後唐天成二年十一月遣使野利延孫等入貢並番僧四人持番書二封人莫識其字

二年正月以入朝使野利延孫等六人並為歸德將軍
其年九月又遣使朝貢以入朝使闔薛羅等三人並為歸德司戈
十二月又以入朝使薛竭薛王子撿邇為歸德郎將首領十人並

為歸化司戈
四年九月西涼府番官播心等來朝
十月首領撥里忙布蘭邇等來朝並授歸德司戈

長興三年二月又遣使朝貢三月以朝貢使左廂首領野利閻心為歸德大將軍右廂首領錢心為歸化郎將其中廂首領李讀等並為歸德司候重云都督對兒六突兒雞等並為歸德同陞其年七月復遣使入朝引對於端明殿問本番牙帳去京師遠近對曰在涇州西二千里

四年十月遣使來貢召對於內殿賜以金帛仍各賜虎皮一張
晉天福四年十月罷延族大首領聶褒郎彝磨標昌訶尤羅祗褒等率其族朝貢

周廣順二年九月河西節度使申師摩奏吐番首領折逋支薛史作折

施通嘉等請加恩命其月勅以吐番左廂押番副使折逋枝右廂崔
虎心並授銀青光祿大夫檢校工部尚書楊妃谷大首領沈念般
授懷化大將軍左廂大首領籤千悶篤為歸德大將軍沒林葛于
凝盧伴遭折逋窮羅並為懷化大將軍右廂大首領鹿悉迦阿羅
岳騷奴並為歸德大將軍沈念般毗與龍文温元積並為懷化大
將軍中廂首領岳阿西安九十並為懷化大將軍又奏自涇州安
國鎮至西涼府沿路三處控扼各立州名欲補大首領為刺史又
管邊界部落大首領三十餘人各賜空名告身並從之

高麗

高麗本扶餘之別種其國都平壤城即漢樂浪郡之故地在京師
東五千一百里東渡海至於新羅西北渡遼水至于營州南渡海
至于百濟北至靺鞨東西三千一百里南北一千里其官大者號

大對盧比一品總知國事三年一代若稱職者不拘年限對盧已
下官總十二級置外州縣六十餘大城置倭薩一人比都督小城
置通使一人薛史作道使比刺史其下各有僚佐分曹掌事其王以白
羅為冠白皮小帶咸以金飾其俗多淫祀事靈星可汗箕子等神
國城東有大隧名曰隧神常以十月王自祭之俗好經書至于庶
賤之家各有衢路造大屋謂之局堂子孫晝夜讀書習射前王姓
高氏世通中國常遣使朝貢

後唐同光三年十一月遣使廣評侍郎上柱國韓申一副使春部
少卿朴巖來貢方物至四年正月授韓申一朝散大夫試殿中監
朴巖朝散郎試祕書郎

天成四年八月復遣廣評侍郎張盼等五十二人來朝貢銀香獅
子銀鑪金裝鈸鏤雲星刀劍馬匹金銀鷹絛鞞白紵白毡頭髮人

參香油銀鏤剪刀鉗鉞松子等

長興三年二月復遣使大相王儒來朝

其年六月權知國事王建為特進檢校太保使持節元菟州都督充大義軍使兼御史大夫上柱國高麗國王七月又以其妻柳氏為河東郡夫人

清泰二年十二月遣使禮賓卿邢順等來朝貢

三年正月以入朝使禮賓卿邢順試將作少監副使崔遠試少府監主簿其年又遣使王子大相王規等來貢方物以大相王規為檢校尚書右僕射副使廣評侍郎崔禹試將作監其隨行節級等三十餘人並授司戈司陞等職

晉天福三年八月清州奏高麗國宿衛質子王仁翟乞放歸鄉里從之

四年九月復遣廣評侍郎邢順等七十二人來貢方物

六年八月其國王建為開府儀同三司檢校太保使持節元菟州都督充大義軍使高麗國王命國子博士謝攀持節就冊之

八年復遣太子大相王申等來

開運元年正月以入朝使王子大相守倉部令上柱國賜紫金魚袋王申一為檢校尚書右僕射正朝守廣評侍郎柱國丹金魚袋柳迥訓檢校禮部尚書守廣評郎中韓李康試衛尉卿守廣評郎中朴元信試太府少卿守兵部主事韋安試將作監主簿以進奉賀登極使正朝前守廣評侍郎柱國丹金魚袋金仁達可檢校工部尚書副使禮賓卿柱國丹金魚袋金裕可試大府卿判官兵部郎中張規可試衛尉少卿

二年其國王王建卒其子武嗣位十月遣使廣評侍郎朝立瑤副

使前禮賓卿金廉等一十八人來朝十二月以權知高麗國事王武為特進檢校太保使持節元菟州都督充大義軍使兼御史大夫高麗國王仍命光祿卿范光政太子洗馬張李凝就行冊命王武者王建之子本國中大族國中推而為主有智兵力日盛以兵並三韓百濟之地東夷君長最為雄盛漢乾祐末王武死其子王昭代立

周廣順元年正月遣廣評侍郎徐逢等九十七人來朝貢二月以權知高麗國事王昭為特進檢校太保使持節元菟州都督充大義軍使兼御史大夫高麗國王仍命衛尉卿劉暉通事舍人顧彥浦持節冊之劉暉尋卒於路顧彥浦溺海而死二年九月復以太僕少卿正演借衛尉卿充高麗國冊禮使右衛率府呂繼贊借將作少監充副使

顯德二年十月復遣使王子大相王融來貢方物又遣廣評侍郎荀質來賀登極其年十二月授其國王王昭開府儀同三司檢校太師高麗國王

五年六月命尚書水部員外郎韓彥卿尚輦奉御金彥英使於高麗因命費帛數千疋就彼市銅以備鑄錢之用六年正月又遣其臣王子佐丞王兢佐尹王甫魏光等貢名馬織成衣襖弓劍等

其年八月遣使進別序孝經一卷越王新義孝經八卷皇靈孝經一卷孝經雌圖三卷

別序者記孔子所生及弟子從學之事新義者以越王為問目以釋疏文之是非皇靈者

止說延年辟災之事及志符文乃道書也雌圖者止說月之環暈星之彗字乃識緯之書也

渤海

渤海靺鞨本高麗種唐總章中高宗平高麗徙其人散居中國置

州縣于遼外就平壤城置安東都護府以統之至萬歲通天中契丹李萬榮反攻陷營府有高麗別種大舍利乞乞仲象大姓舍利官乞乞仲也象名與靺鞨反人乞乞四比羽走保遼東分王高麗故地則天封乞四比羽許國公大舍利乞乞仲象震國公乞四比羽不受命則天命將軍李楷固臨陳斬之時乞乞仲象已死其子大祚榮繼立併有比羽之衆勝兵丁戶四十餘萬保據挹婁故地至聖歷中稱臣朝貢中宗命侍御史張行岌就徃宣慰號其都為忽汗州以祚榮為忽汗州都督封渤海郡王國自稱渤海其俗呼其王為可毒失薛史作可毒夫對面呼聖王薛史無賤表呼基下父曰老王母曰大妃妻曰貴妃長子曰副王諸子曰王子世以為大氏為酋終唐室朝貢不絕

梁開平元年五月其王大諲譔遣王子大昭順來貢方物至二年

又遣殿中少令崔禮光來朝

三年三月遣其相大誠諤來朝兼貢女口

乾化二年五月又遣王子大光替來朝貢方物太祖厚有錫賜

後唐同光二年正月遣王子大禹謨來朝五月又遣王子大元讓來朝莊宗賜金綵以遣之八月又遣姪學堂親衛大元謙試國子

監丞

三年二月又遣使裴球貢方物進細女口五月以入朝使政唐省守和部少卿賜紫金魚袋裴球為右贊善大夫

天成元年四月遣使大陳林等一百十六人來朝貢進男口女口各三人並人參昆布白附子等

其年七月遣使大照佐等六人朝貢先是契丹大首領邪律安巴堅兵力雄盛東北諸番多臣屬之以渤海國王土地相接常有吞

併之志是歲率諸番部落攻渤海扶餘城下之改扶餘為東丹府命具子托雲留兵鎮之未幾安巴堅殂渤海命其弟率兵攻扶餘城不能克保衆而退

四年五月又遣高正詞入朝貢方物七月以正詞為太子洗馬長興二年十二月遣使成文角來朝

三年正月又遣使來朝貢

四年七月以先入朝使成文角為朝散大夫右神武軍長史奏事右錄事試大理評事高保乂為朝散郎右驍衛長史並賜金紫

清泰二年十二月遣使烈周道等入朝貢方物

三年二月以入朝使南海府都督烈周道為檢校工部尚書政堂省工部卿烏濟顯試光祿卿

周顯德元年七月渤海國崔烏斯多等三十人歸化

新羅

新羅弁韓之苗裔其國在漢樂浪郡之地南東俱限大海西接百濟南鄰高麗東西千里南北二千里有城邑村落其王所居白金城周七八里衛兵三千人文武官凡十七等風俗刑法與高麗同而朝服尚白人多金樸兩姓俗重元日相慶賀以是日拜日月之神婦人以髮繞頭用綵及珠為飾髮甚鬢美其王金真唐武德四年封樂浪郡王龍朔三年又以國為雞林州授其王雞林州都督世以金氏為酋長朝貢不絕

後唐同光元年十一月其王金朴英遣倉部侍郎金樂錄事參軍金幼卿來朝貢

二年六月又遣使朝散大夫倉部侍郎賜紫金岳來朝貢授金岳朝議大夫試衛尉卿

天成二年二月遣使張芬等來朝其年三月以新羅國權知康州
事王逢規為懷化大都督新羅國前登州都督府長史張希巖新
羅金州知後官本國金州司馬李彥謨並檢校右散騎常侍其月
又以入朝使中散大夫兵部侍郎兼賜紫金魚袋張芬為檢校工
部尚書副使兵部郎中朴述洪兼御史中丞判官倉部員外郎李
忠式兼御史其年四月新羅國康州遣使林彥來朝貢詔對於中
興殿賜物有差

四年二月青州奏於登州岸獲新羅船一隻進其寶貨

長興二年四月權知國事金簿遣使金肱來貢方物

清泰二年二月以入朝使執事侍郎金肱為檢校工部尚書副使

司賓大卿李儒試將作少監

南詔蠻

南詔蠻本烏蠻之別種在漢永昌之東姚州之西蠻俗謂王曰詔
其先渠帥有六故號六詔各有君長不相統攝唐時中亦時來朝
貢

後唐同光三年閏十二月魏王繼岌奏遣使齎書招諭南詔蠻

時初

平蜀川乃募曾使南詔者有泰州副使徐藹諳雲南道咩城路且
云唐僖宗在蜀命嗣王龜年使雲南藹季父虎為副使藹為判官
時不到咩城祇達善圍迴約為甥舅詐云降安化公主南詔大
喜遣人隨龜年來迎公主已而收復長安黃巢東走乃託以他歲
止而

天成元年十月供奉官李彥楷高品李光裕雲南使迴雋州山後
兩林百蠻都鬼主右武衛大將軍李卑晚差大鬼主傳能阿花等
來朝貢明宗御文明殿引對百官稱賀拜李卑晚為寧遠將軍又
以大渡河南山前邛州六姓都鬼主懷安郡王勿定標沙為定遠
將軍

二年七月以左金吾衛將軍烏昭遠為左衛上將軍入蠻國信使
其年九月西川奏據黎州狀申雲南使趙和於大渡河南起舍一
間留信物十五籠並雜請一卷遞至關下初郭崇韜平蜀之後得
子命令使人入其部被止於界上唯國信與蠻俘得往續有轉牒
稱都督與大和長國宰相布變等上大人唐皇帝男奏疏一封自
入平夷新寧美白崖等處又入弄棟演習白鵝郡騰裔等又
有詔本後有都與弛着忍與王保州其紙厚硬如皮筆力尤健
長垣忍與緯楊布變所署有彩戲一軸轉韻詩一章董德義都
聯有類擊筑詞頗有思本朝姻親之義理亦不遜其籠中即
返其國信舊封猶存復命左衛上將軍烏昭遠往皆不能去

牂牁蠻

牂牁蠻其地北去兖州一百五十里東至辰州二千四百里南至
交州一千五百里西至昆明九百里無城郭散居村落多霖雨稻
皆再熟無徭役唯征戰之時乃相屯聚刻木為契其法劫盜者三
倍還贓殺人者出牛馬三十頭乃得贖死首領姓謝氏唐室頻遣

使朝貢

後唐天成二年八月牂牁青州歐史作清州八郡刺史宋朝化等一百
五十人來朝貢進草豆穀二萬顆硃砂五百兩黃蠟二百斤各賜
官詔金帛遣之

昆明國

昆明部落在黔州西南三千里山路險阻住止高欄亦有羊馬其
俗椎髻跣足酋長披虎皮下者披毡

後唐天成二年八月昆明大鬼主羅殿王普露靜王九部落各差
使等隨牂牁來朝貢

占城國

占城國在中國西南其地東西一百里南北三千里東暨海西暨
雲南南暨真臘北暨驪州界東北至兩浙海行一月程其衣服制

度大畧與大食國同所乘皆象馬粒食稻米肉食水兕山羊之類
獸之奇者有犀牛鳥之珍者有孔雀前世多不與中國通

周顯德五年九月其國王因德漫遣其臣甫訶散等來貢方物中
有灑衣薔薇水一十五瓶言出自西域凡水之需衣香而不黧又
貢猛火油八十四琉璃瓶引對於內殿賜以冠帶衣服等其表文
以貝多葉檢以香木函

其年十一月入朝使甫訶散金姿巨羅辭各賜繪帛有差仍命齎
金銀器一千兩繪絲一千疋細甲名馬銀鞍勒等就賜其國王

雜錄

後唐天成元年六月十日御史臺奏伏觀今月三日入閣班退後
方引對朝貢番使竊觀近制頗失常儀且月華門是宰相兩省近
侍官常朝來往之所外國番國朝見不合出此門而又殿廷班序

先後退北者列其百辟示彼四夷俾觀多士之羽儀以顯九重之
嚴重豈可衆官退後番客方來自正門直趨丹陛此是向來事
例今辰忽有更張竊以方屬中興宜循舊典伏乞宣付中書門下
重令參詳永為定制奉勅宜令太常禮院檢舊例申奏者右太常
禮院奏臣謹按開元禮以賓禮待番客有六一番國王來朝二戒
番王見日三番王奉見四受番使表及幣五宴番國王六讌番國
使從開元定禮之後本朝故事對諸番客又並於內殿引對其殿
名曰參殿事在禮賓使客省使不下外諸司見今施行不一今例
惟迴鶻番使則正殿引對況迴鶻見居甘州其地屬河西道涼州
所管每遣使進表幣待以賓禮皇帝御正殿列百官府陳盛儀酌
禮沿情事恐太重伏請今後準諸番客例祇於內殿引對不臨正
朝兼免乖越又符故事謹且詳酌如前奉勅四夷來王歷代故事

前後各因強弱撫制互有典儀大番頒示於威容則於正衙引對
小番但推其恩信乃於內殿撫懷憲府奏論禮院詳酌皆徵故事
咸有明文正衙威容未可全廢內殿恩澤且宜常行若遇大番入
朝即準舊儀於正殿陳鋪立仗百官排班於正門引入對見
四年二月勅沿邊置場買馬不許番部至闕下
周廣順三年三月詔禁沿邊州城闕原兵仗於諸番部

唐正衙威容未可全廢內殿恩澤且宜常行若遇大番入朝即準舊儀於正殿陳鋪立仗百官排班於正門引入對見四年二月勅沿邊置場買馬不許番部至闕下周廣順三年三月詔禁沿邊州城兵仗於諸番部

校勘官前將仕郎試秘書省校書郎守秦州天水縣令宋璋

本朝故相王公溥撰唐及五代會要凡當時制度沿革燦然條陳
無遺唐會要已鏤版於吳而五代會要未甚傳彥博家藏善本比
至蜀請官參用正史考覈訛謬且刻以傳慶曆六年四月望日樞
密直學士尚書吏部員外郎知益州事充益州路兵馬鈐轄文彥
博題

國朝王文康公所纂五代會要三十卷慶曆中文忠烈公帥蜀嘗
刻行之兵興以後又軼其傳元之假守信安得舊版於江陰以來
因併與范魯公所著五代史通刻版寘郡五季之事陋矣無足云
者然而前承唐餘後訖宋興其間五六十載儀物章程官名文法
因革損益之典使後世有考者多見此書其可廢乎昔孔子至杞
宋得夏時坤乾而取之以其近於用也是亦學士大夫之所宜知

也乾道七年二月旦日左宣教郎權發遣衢州軍州主管學事兼
管内勸農事施元之題

管內勸農事施元之題
乾道七年二月旦日左宣教郎權發遣衢州軍州主管學事兼
管内勸農事施元之題

管內勸農事施元之題
乾道七年二月旦日左宣教郎權發遣衢州軍州主管學事兼
管内勸農事施元之題



右宋王溥五代會要三十卷見祇有武英殿聚珍版印本傳

流甚少此本從吳山尊學士鈔本傳鈔山尊本亦鈔自聚珍版

本者錯誤處多至不能成句讀今悉以歐薛五代史參互考証

如王朴之奏論麻法樂律增減至數十百字乃克成文又如州

縣分道改置關內道洛南縣條下所言並非洛南縣建置薛氏

亦同此誤以歐五代史職方志考之始知洛南故屬華州於周

年月割隸商州因將此云添入洛南縣條下其洛

南縣下原註後唐同光三年六月河中府奏韓城郃陽澄城縣建置

梁割屬當府云知係言河中府韓城縣郃陽縣澄城縣建置

乃更為添河中府韓城縣郃陽縣澄城縣之目始為完善其餘

類此者多不可紀俱悉為竄正仍有不能盡者當時文案吏胥

語多不可解亦無從考核然亦差稱善本矣嘉慶十八年癸酉

五月始寫七月寫成仲符貴徵記



Faint handwritten text in vertical columns, likely bleed-through from the reverse side of the page.



程